



## MØTEINNKALLING

---

**Utval:** Kommunestyret  
**Møtedato** 05.12.2019  
**Møtetid:** Kl. 08:30  
**Møtestad:** Biblioteket på Bjørkheim

---

*Varamedlem skal ikkje møta utan nærare innkalling*

Forfall til møtet må meldast snarast råd til sørvissenteret (tlf. 56 58 74 00 eller e-post [postmottak@samnanger.kommune.no](mailto:postmottak@samnanger.kommune.no)), som vil kalla inn varamedlem.

Me ber om at alle som kan vera ugilde i ei eller fleire saker på sakslista melder frå om dette til sørvissenteret.

Knut Harald Frøland  
ordførar

## SAKLISTE

### Saker til handsaming på møtet

| Sak nr.  | Arkivsak | Sakstittel                                                                                                           | Merknad |
|----------|----------|----------------------------------------------------------------------------------------------------------------------|---------|
| 070/2019 | 19/1074  | Faste saker                                                                                                          |         |
| 071/2019 | 18/829   | Vedtak av avtale om vertskommunesamarbeid om Krisesenter for Bergen og omegn                                         |         |
| 072/2019 | 19/859   | Språkplan for Samnanger kommune                                                                                      |         |
| 073/2019 | 19/993   | Vurdering om Samnanger skal søkja om fornying av status som Fairtrade-kommune                                        |         |
| 074/2019 | 18/1331  | Søknad om overtaking av kostnad med snøbrøyting                                                                      |         |
| 075/2019 | 19/1009  | Overføring av private vegar til kommunalt driftsansvar                                                               |         |
| 076/2019 | 18/572   | Rullering av handlingsprogram og prioritering av spelemiddelsøknader 2019                                            |         |
| 077/2019 | 19/251   | Oppheving av kapittel 4 i personalvedtektene (tilsetjingsvedtekter)                                                  |         |
| 078/2019 | 18/1210  | Overgang til lik arbeidstid i sommar- og vinterhalvåret for kontoradministrasjonen i Samnanger kommune               |         |
| 079/2019 | 19/169   | Klage på politisk vedtak - Skjenkeløyve - Milano Pizzeria Bjørkheim                                                  |         |
| 080/2019 | 19/989   | Godkjenning av møteplan for 2020                                                                                     |         |
| 081/2019 | 18/951   | Søknad om løypetilskudd på Kvamskogen                                                                                |         |
| 082/2019 | 19/662   | Ingeniørhytta ved Svartavatnet                                                                                       |         |
| 083/2019 | 18/562   | Forprosjekt - Fossen bratte                                                                                          |         |
| 084/2019 | 19/1040  | Dagsturhytte i Samnanger                                                                                             |         |
| 085/2019 | 19/171   | Vurdering akuttberedskapen - First responder                                                                         |         |
| 086/2019 | 19/418   | Økonomirapportering pr november 2019                                                                                 |         |
| 087/2019 | 19/377   | Digitale løysingar for folkevalde i Samnanger i valperioden 2019-2023                                                |         |
| 088/2019 | 19/804   | Val av eldreråd 2019 - 2023                                                                                          |         |
| 089/2019 | 19/804   | Val av råd for personar med nedsett funksjonsevne 2019-2023                                                          |         |
| 090/2019 | 19/804   | Val av sakkunnig nemnd for eigedomsskatt og klagenemnd for eigedomsskatt 2019-2023                                   |         |
| 091/2019 | 19/804   | Nedlegging av klagenemnd/ klageutval på politiske vedtak og takstutval for jordbruks-, skogbruks- og andre eigedomar |         |
| 092/2019 | 19/804   | Suppleringsval varamedlemsliste kontrollutvalet 2019-2023                                                            |         |
| 093/2019 | 19/804   | Val av ymse nemnder, råd og utval m.m 2019-2023                                                                      |         |
| 094/2019 | 18/1050  | Renovasjonsgebyr 2020                                                                                                |         |
| 095/2019 | 19/455   | Vedlikehald - Ungdomsskolen, Kommunehuset og brannstasjonen                                                          |         |
| 096/2019 | 19/974   | Budsjett og økonomiplan 2020-2023                                                                                    |         |
| 1        | 18/1157  | Interpellasjon frå KrF - Samnanger som forsøkskommune for «Fritidskort til alle barn mellom 6 og 18 år»              |         |

#### Oversikt faste saker

- Godkjenning av innkalling og sakliste
- Eventuelle merknader til protokoll frå førre møte
- Delegerte vedtak/referatsaker
- Utvalet sitt kvarter



## **SAKSFRAMLEGG**

|                                       |                          |
|---------------------------------------|--------------------------|
| <b>Sakshandsamar:</b> Marianne Soleng | <b>Arkivkode:</b> FE-033 |
| <b>Arkivsaksnr:</b> 19/1074           | <b>Løpenr:</b> 19/9729   |
| <b>Sakstype:</b> Politisk sak         |                          |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Kommunestyret                    | 05.12.2019      | 070/2019      |

### **Faste saker**

#### **Rådmannen sitt framlegg til vedtak:**

- Møteinnkallinga og saklista vert godkjent.
- Delegerte vedtak/referatsaker vert tekne til orientering.

#### **Oversikt over faste saker:**

Godkjenning av innkalling og sakliste.  
Eventuelle merknader til protokoll frå førre møte.  
Delegerte vedtak/referatsaker.  
Utvalet sitt kvarter.

#### **Oversikt over grunngjevne spørsmål og interpellasjonar:**

Interpellasjon frå KrF – Samnanger som forsøkskommune for «Frikort til alle barn mellom 6 og 18 år».

#### **Oversikt over informasjon og referatsaker:**

Orientering om satsar for godtgjersle for folkevalde i Samnanger kommune i 2020.  
Referatsak til formannskapet og kommunestyret – Innsamling, konkuransetsetting eller eigen drift.  
Referatsak til formannskapet og kommunestyret – Utbygging av bossnett utanfor Bergen sentrum.  
Svar på spørsmål i KS 24.10.2019 - Trafikksikringstiltak 2020.  
Orientering om tilskot til utbygging av breiband i Samnanger.  
Uttale frå eldrerådet til budsjett 2020.  
Innspel til budsjett 2020 og økonomiplan 2020-2023 frå ungdomsrådet.



## SAKSFRAMLEGG

|                                     |                          |
|-------------------------------------|--------------------------|
| <b>Sakshandsamar:</b> Jan Erik Boge | <b>Arkivkode:</b> FA-H43 |
| <b>Arkivsaksnr:</b> 18/829          | <b>Løpenr:</b> 19/8856   |
| <b>Sakstype:</b> Politisk sak       |                          |

### SAKSGANG

| Styre, utval, komité m.m. | Møtedato   | Saksnr   |
|---------------------------|------------|----------|
| Formannskapet             | 14.11.2019 | 047/2019 |
| Kommunestyret             | 05.12.2019 | 071/2019 |

## Vedtak av avtale om vertskommunesamarbeid om Kriesesenter for Bergen og omegn

### 14.11.2019 Formannskapet:

Handsaming i møtet:

Rådmannen sitt framlegg vart samrøystes vedteke.

### FORM- 047/2019 Vedtak:

Samanger kommune ønskjer å halda fram samarbeidet om kriesesenterdrift og vedtek *Avtale om administrativt vertskommunesamarbeid om Kriesesenter for Bergen og omegn*.

### Rådmannen sitt framlegg til vedtak:

Samanger kommune ønskjer å halda fram samarbeidet om kriesesenterdrift og vedtek *Avtale om administrativt vertskommunesamarbeid om Kriesesenter for Bergen og omegn*.

### Dokument som er vedlagt:

Brev frå Bergen kommune  
Saksframstilling til byrådet i Bergen  
Avtale om vertskommunesamarbeid

### Dokument som ikkje er vedlagt:

- Lov om kommunale kriesesentertilbod (kriesesenterlova) - <https://lovdata.no/dokument/NL/lov/2009-06-19-44>

### Kva saka gjeld:

Foreininga «Kriesesenteret for Bergen og omegn» har hatt kontrakt om drift av kriesesentertilbod for Bergen kommune og omegnskommunar, mellom anna Samnanger. Byrådet i Bergen vedtok 18.09.2018 at drifta av kriesesentertilbodet skulle takast inn som kommunal eigenregi frå 01.01.2019.

Som følgje av dette overtok Bergen kommune drifta med verknad frå 01.01.2019. I samband med dette har Bergen kommune erfart at det er behov for å inngå ein ny samarbeidsavtale for det administrative samarbeidet mellom Bergen kommune som vertskommune og samarbeidskommunane.

Bergen kommune har utarbeidd ny samarbeidsavtale, som er vedteken av bystyret. Bergen kommune bad i brev datert 27.06.2019 om at samarbeidsavtalen også vert vedteken av kommunestyra i samarbeidskommunane, og at vedeken/signert avtale vert returnert til Bergen kommune innan 30.08.2019. Ifølgje brevet kan kommunestyret alternativt gje administrasjonen fullmakt til å inngå avtalen.

Administrasjonen i Samnanger kommune har av ulike årsaker ikkje klart å få lagt denne saka fram politisk handsaming før no. Administrasjonen har 07.11.2019 vore i kontakt med Bergen kommune sin sakshandsamar, og fått avklart at det enno ikkje er for seint for Samnanger å få vedteke/signert samarbeidsavtalen.

Som vedlegg til dette saksframlegget følgjer kopi av saksframstilling til byrådsak om samarbeidsavtale for vertskommunesamarbeid. Der vert det mellom anna informert om sentrale endringar i den nye samarbeidsavtalen:

- *Oppholdstiden skal begrenses, være strengt behovsprøvd, og det skal være betalingsplikt for deltakerkommunene for opphold ut over 6 uker. Hver kommune forplikter seg til å bistå med å reetablere brukerne i egen/annen kommune.*
- *Deltakerkommunene skal selv gi tilbud til personer som er til fare for seg selv eller andre.*
- *Det legges opp til hyppigere samarbeidsmøter enn tidligere. Det skal være minimum 3 møter i året – ett på overordnet nivå og minimum ytterligere to samarbeidsmøter.*
- *Oppsigelsestiden utvides til 4 år, og med plikt for alle samarbeidskommuner til å delta på tilhørende snarlig møte for å drøfte konsekvensene ved oppsigelse fra én eller flere kommuner.*
- *Deltakerkommunene forplikter seg til å delta i arbeidet med å utarbeide rutiner for samarbeid med Kriesesenteret, koordinering, mv.*
- *Deltakerkommunene forplikter seg til å oppnevne kontaktpersoner for juridisk forvaltning av avtalen samt for respektive fagområder hvor det ytes tjenester fra Kriesesenteret.*
- *Presisering av at deltakerkommunene selv skal sørge for tilrettelagt undervisning, skoleskyss, helsetjenester etter helse- og omsorgstjenesteloven, mv.*
- *Bergen kommune / Kriesesenteret for Bergen og omegn skal utarbeide forslag til administrative og operative rutiner for samarbeidet og legge de frem til drøfting i samarbeidsmøter med deltakerkommunene.*

Det går også fram av saksframstillinga at kostnadsdelinga mellom samarbeidskommunane vert vidareført etter tidlegare avtale, og at førebelse vurderingar tilseier meirkostnader for Kriesesenteret på ca. 800 000 kroner, der ca. 500 000 kroner er eingongskostnader.

Samarbeidsavtalen følgjer også som vedlegg til dette saksframlegget. Det går der mellom anna fram (i punkt 6) at den enkelte deltarkommune sin del av utgiftene skal tilsvare den respektive kommunen sin del av summen av rammetilskotet til deltakarkommunane. I tillegg kjem betalingsplikt for kvart opphaldsdøger ut over 6 veker.

#### **Vurderingar og konsekvensar:**

Rådmannen rår til at kommunestyret vedtek samarbeidsavtalen. Det går fram av kriesesenterlova at kommunen skal sørgja for eit kriesesentertilbod. For Samnanger vil truleg det klart beste alternativet vera å halda fram som samarbeidskommune med Bergen og omegnskommunane, i vertskommunesamarbeidet om Kriesesenter for Bergen omegn.





## **SAKSFRAMLEGG**

|                                     |                          |
|-------------------------------------|--------------------------|
| <b>Sakshandsamar:</b> Jan Erik Boge | <b>Arkivkode:</b> FE-003 |
| <b>Arkivsaksnr:</b> 19/859          | <b>Løpenr:</b> 19/8855   |
| <b>Sakstype:</b> Politisk sak       |                          |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Formannskapet                    | 14.11.2019      | 043/2019      |
| Kommunestyret                    | 05.12.2019      | 072/2019      |

## **Språkplan for Samnanger kommune**

### **14.11.2019 Formannskapet:**

Handsaming i møtet:

Rådmannen sitt framlegg vart samrøystes vedteke.

### **FORM- 043/2019 Vedtak:**

Forslaget til språkplan for Samnanger kommune vert vedteke. Språkplanen gjeld med verknad frå 01.01.2020 og erstattar då målbruksplanen som vart vedteken av kommunestyret 29.01.1998.

### **Rådmannen sitt framlegg til vedtak:**

Forslaget til språkplan for Samnanger kommune vert vedteke. Språkplanen gjeld med verknad frå 01.01.2020 og erstattar då målbruksplanen som vart vedteken av kommunestyret 29.01.1998.

### **Dokument som er vedlagt:**

Utkast til språkplan for Samnanger kommune

Kopi av saksframlegg til formannskapet 03.10.2019

Kopi av høyringsbrev

### **Dokument som ikkje er vedlagt:**

Målbruksplan for Samnanger kommune

(<https://www.samnanger.kommune.no/Handlers/fh.ashx?MId1=61&FilId=16>)

### **Kva saka gjeld:**

Kommunestyret vedtok i 1998 ein målbruksplan for Samnanger kommune. Dette er i dag den eldste gjeldande planen i kommunen. I formannskapet 03.10.2019 vart det lagt fram sak om å erstatta målbruksplanen med ein språkplan (sak 031/2019). Utkast til språkplan låg ved saka. Utkastet er utarbeidd av Øyvind Røen (Sp). Formannskapet gjorde følgjande vedtak:

**FORM- 031/2019 Vedtak:**

Formannskapet tek utkastet til «Språkplan for Samnanger kommune» til orientering. Språkplanen vert send til høyring i einingane i kommunen slik rådmannen finn det føremålstenleg. Høyringsfristen vert sett til 1. november, med tanke på vidare handsaming i formannskapet 14. november og endeleg vedtak i kommunestyret 5. desember.

Utkastet til språkplan vart sendt ut til einingane på høyring 15.10.2019, med høyringsfrist 01.11.2019. Det har ikkje kome inn nokon høyringsuttalar.

Utkastet til språkplan vert no lagt fram for ny handsaming i formannskapet og endeleg handsaming/vedtak i kommunestyret.

Kopi av saksutgreiinga til formannskapet si handsaming 03.10.2019 følgjer vedlagt. Der er det informert grundig både om bakgrunnen for saka og om forslaget til språkplan.



## **SAKSFRAMLEGG**

|                                     |                                  |
|-------------------------------------|----------------------------------|
| <b>Sakshandsamar:</b> Jan Erik Boge | <b>Arkivkode:</b> FA-U60, TI-&80 |
| <b>Arkivsaksnr:</b> 19/993          | <b>Løpenr:</b> 19/8790           |
| <b>Sakstype:</b> Politisk sak       |                                  |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Formannskapet                    | 14.11.2019      | 048/2019      |
| Kommunestyret                    | 05.12.2019      | 073/2019      |

## **Vurdering om Samnanger skal søkja om fornying av status som Fairtrade-kommune**

### **14.11.2019 Formannskapet:**

Handsaming i møtet:

Øyvind Strømmen (MDG) sette fram følgjande tilleggsframlegg til rådmannen sitt framlegg:

*"Ved innkjøp av kaffe, te, sjokolade og frukt skal ein halda fram med å velja Fairtrade-produkt, dersom dette er mogleg."*

I røystinga vart rådmannen sitt framlegg sett opp mot Øyvind Strømmen sitt framlegg. Øyvind Strømmen sitt framlegg vart samrøystes vedteke.

### **FORM- 048/2019 Vedtak:**

Samnanger søker ikkje om fornying av status som Fairtrade-kommune.

Ved innkjøp av kaffe, te, sjokolade og frukt skal ein halda fram med å velja Fairtrade-produkt, dersom dette er mogleg.

### **Rådmannen sitt framlegg til vedtak:**

Samnanger søker ikkje om fornying av status som Fairtrade-kommune.

### **Dokument som er vedlagt:**

Kopi av e-post frå Fairtrade Norge

### **Kva saka gjeld:**

Samnanger kommune fekk etter søknad status som Fairtrade-kommune i 2014. Det har no kome melding frå Fairtrade Norge om at søknadsfrist for fornying av statusen er 01.12.2019.

Fairtrade er ein organisasjon som arbeider for berekraftig råvareproduksjon og rettferdig handel. Fairtrade International er ein paraplyorgansiasjon med 37 medlemmer, mellom anna Fairtrade Norge. Kommunar kan søkja om å verta såkalla Fairtrade-kommune.

Det er ein del plikter knytt til å vera Fairtrade-kommune. Mellom anna må kommunen ha ei styringsgruppe for Fairtrade og arbeida for å auka innkjøpa sine av Fairtrade-merka produkt. I tillegg kan kommunen velja å arbeida for at butikkar, andre næringsdrivande og foreiningar skal auka utvalet sitt/bruken sin av Fairtrade-produkt.

Eit av vilkåra for å vera Fairtrade-kommune, er at ein må ha ei styringsgruppe. Kommunestyret valde 17.06.2018 (sak 030/2018) følgjande to politikarar som medlemmer i styringsgruppa:

- Øyvind Strømmen (MDG)
- Olaug Øystese (Ap)

Det gjekk fram av kommunestyret sitt vedtak i sak 030/2018 at styringsgruppa bør ha minst fem medlemmer, og at administrasjonen skal bidra med administrativ hjelp til styringsgruppa.

Meir informasjon om Fairtrade Norge kan ein finna på [www.fairtrade.no](http://www.fairtrade.no).

#### **Vurderingar og konsekvensar:**

Sjølv om føremålet til Fairtrade er godt, meiner administrasjonen at det er nødvendig å vurderer om kommunen skal bruka ressursar på å halda fram med å vera Fairtrade-kommune. Dersom Samnanger framleis skal vera Fairtrade-kommune, bør me arbeida meir aktivt med Fairtrade enn me har gjort dei siste åra. For administrasjonen vil det vera vanskeleg å klara å prioritera slikt arbeid, på toppen av alle lovpålagte oppgåver/primæroppgåver. Erfaringa frå det første året som Fairtrade-kommune, då kommunen arbeidde relativt aktivt med Fairtrade, var at administrasjonen måtte bruka ein god del arbeidstid på dette. Dei siste 2-3 åra har det så langt administrasjonen veit vorte arbeidd lite med Fairtrade i kommunen.

Det vil vera fullt mogleg for kommunen å kjøpa Fairtrade-produkt sjølv om Samnanger ikkje er Fairtrade-kommune.

Rådmannen si vurdering er at Samnanger ikkje bør søkja om å fornya statusen som Fairtrade-kommune.



## SAKSFRAMLEGG

|                                       |                                  |
|---------------------------------------|----------------------------------|
| <b>Sakshandsamar:</b> Hilde-Lill Våge | <b>Arkivkode:</b> FE-223, FA-Q15 |
| <b>Arkivsaksnr:</b> 18/1331           | <b>Løpenr:</b> 19/8169           |
| <b>Sakstype:</b> Politisk sak         |                                  |

### SAKSGANG

| Styre, utval, komité m.m. | Møtedato   | Saksnr   |
|---------------------------|------------|----------|
| Formannskapet             | 14.11.2019 | 050/2019 |
| Kommunestyret             | 05.12.2019 | 074/2019 |

### Søknad om overtaking av kostnad med snøbrøyting over Tveitamyrane og fram til Tveit 21

#### 14.11.2019 Formannskapet:

Handsaming i møtet:

Denne saka vart handsama etter sak 046/2019, før sak 047/2019.

Knut Harald Frøland (BI) bad om å få gildskapen sin vurdert. Han gjekk frå medan formannskapet vurderte gildskapen hans. Solveig Vassenden (BI) gjekk inn som varamedlem under denne handsaminga. Knut Harald Frøland vart samrøystes funnen ugild. Solveig Vassenden deltok derfor òg i resten av handsaminga av saka.

Øyvind Røen (Sp) sette fram følgjande endringsframlegg i forhold til rådmannen sitt framlegg:

- *Ordet "no" vert lagt til i slutten av den andre setninga i framlegget."*

I røystinga vart rådmannen sitt framlegg sett opp mot Øyvind Røen sitt framlegg. Øyvind Røen sitt framlegg vart samrøystes vedteke.

Etter at vedtaket vart gjort tok Knut Harald Frøland igjen plass i møtet, og Solveig Vassenden gjekk frå.

#### FORM- 050/2019 Vedtak:

Samnanger kommune tek ikkje over kostnaden oppsitjarane på Tveit har med brøyting av privat veg.

Samnanger kommune opprettar ikkje tilskotsordning til vegvedlikehald eller snøbrøyting av private vegar no.

#### Rådmannen sitt framlegg til vedtak:

Samnanger kommune tek ikkje over kostnaden oppsitjarane på Tveit har med brøyting av privat veg. Samnanger kommune opprettar ikkje tilskotsordning til vegvedlikehald eller snøbrøyting av private vegar.

**Dokument som er vedlagt:**

Søknad om overtaking av kostnad med snøbrøyting

**Kva saka gjeld:** Søknad om at Samnanger kommune betalar kostnaden med snøbrøyting på privat veg – frå Tveitamyrane til Tveit 21. Utgiftene pr. år ligg mellom 10-20.000 kroner avhengig av snømengde.

**Vurderingar og konsekvensar:**

Samnanger kommune har pr. i dag ikkje eiga tilskotsordning til snøbrøyting eller vegvedlikehald som gjeld private vegar i kommunen. Administrasjonen har difor ikkje høve til å handsame slike søknadar. Det vert opp til kommunestyret om dei ønskjer å opprette ei slik ordning i samband med handsaming av budsjettet for 2020 og økonomiplanperioden 2020-23.

Er det politikks ønskje å opprette ny tilskotsordning til private må det ligge føre vedtekter og tilskotpott for tildeling, før ordninga tek til å gjelda.

Vegnemnda vart avvikla for ei rekkje år tilbake og tilskotsordningane til private vegar gjekk ut. Vi tilrår å ikkje etablera ny ordning. Viser elles utgreiinga i saka om overtaking av driftsansvaret for vegar til idrettsanlegga og interpellasjonen i møtet den 3 juni 2019.



## SAKSFRAMLEGG

|                                       |                          |
|---------------------------------------|--------------------------|
| <b>Sakshandsamar:</b> Hilde-Lill Våge | <b>Arkivkode:</b> FA-Q15 |
| <b>Arkivsaksnr:</b> 19/1009           | <b>Løpenr:</b> 19/8903   |
| <b>Sakstype:</b> Politisk sak         |                          |

### SAKSGANG

| Styre, utval, komité m.m. | Møtedato   | Saksnr   |
|---------------------------|------------|----------|
| Kommunestyret             | 05.12.2019 | 075/2019 |

### Overføring av private vegar til kommunalt driftsansvar Totrænavegen til skianlegget og Ytre-Tyssevegen til Tysse skytebane

**Rådmannen sitt framlegg til vedtak:**

Samnanger kommune tek ikkje over driftsansvaret for Totrænavegen opp i skianlegget eller Tyssevegen opp til skytebana. Dette er private vegar som bør nytte bompengar som inntekstpotensialet for å finansiera vegvedlikehaldet og dugnad.

**Dokument som ikkje er vedlagt:**

(slett denne teksten dersom du ikkje viser til dokument som ikkje er vedlagt)

**Kva saka gjeld:** Overføre driftsansvaret av vegen til skianlegget i Totræna og vegen til Tysse skytebane til Samnanger kommune.

**Bakgrunn for saka:** I kommunestyret den 24 oktober vart det vedteke å sende over til administrasjonen å få handsama ei vurdering av vegar til idrettsanlegg i samband med budsjett for 2020. For administrasjonen er dette svært kort tidsfrist, når administrasjonen har frist til 1. november for levera sine budsjettframlegg. Handsaminga vert difor ei kort utgreiing.


Interpellasjonen frå Arild Røen (H) lyder:

*«Vegar idrettsanlegg Samnanger har eit rikt og mangfaldig kulturliv som vert drive av eldsjeler på dugnad. Alle lag/organisasjonar som driv desse aktivitetane har til dels store kostnader med drift og vedlikehald av vegane fram til anlegga. Samnanger Høgre ber om at i samband med arbeidet med budsjett for 2020 at vegane til Totræna og skytebana vert vurdert omgjort til kommunale vegar.»*

**Fakta:**

Totrænavegen til skianlegget


Vegen opp i Totræna er om lag på 2,8 km. Nedste del (600m) er kommunal veg, medan resten av vegen er privat. Øvste del på om lag 1 km er nyleg bygt av idrettslaget v/skigruppa.



Samnanger kommune tok på seg i 2018/19 å utbetre noko av den private vegen for i sikre trafikktryggleiken til ålmenta.

Kommunen gjev og eit årleg fast tilskot på 25.000 kroner til Samnanger idrettslag v/skigruppa for brøyting av den private delen av vegen opptil Totræna skianlegget. Tilskotet vert utbetalt over kulturbudsjettet. Det er relativt høg aktivitet i skianlegget på vinterstid, og brøyting er då ei utfordring for laget å ta sjølv. Teknisk drift (TD) har utført brøytinga for denne summen, i samband med brøyting av den kommunale delen av vegen. Ettersom Nyutlørævegen vart overført til TD no i sommar, må dei vurdere om dei kan halde fram med ordninga etter vintersesongen 2020. Tidlegare har tilskotet vorte betalt ut til privat entreprenør som bur i området og har gått av med pensjon. Idrettslaget får og andre kommunale tilskot gjennom kulturmidlar.

### Tyssevegen – til skytebane



Vegen til Tysse skytebane er omlag 1,8 km frå hovudvegen og opp til bana. Første del av vegen, 900 meter, er felles med veg til Fossåsen (+1,8 km) og Førøyåsen (+3,8 km). Skyttarlaget har og trening i klubbhuset i Hagabotnane idrettspark. Samnanger kommune dekkjer utgiftene med bygget der. Så vidt vi kjenner til har ikkje kommune gjeve tilskot til drift av vegen til skytebane tidlegare. Vegane ligg i eit stort skogsområde der tømmerdrift er naturleg. Tysse skytterlag kan søkje om kulturmidlar.

### Vedtak i interpellasjon den 3 juni 2019 i kommunestyret

KS- 1 Vedtak: «Våren 2019 har ei tverrpolitisk gruppe hatt fleire møter for å drøfte moglege nye løysingar for privatisering av vegar i Samnanger kommune. Drøftingane har foregått i ein god tone, noko som har ein verdi

*seg sjølv. Privatisering av vegar må sjåast i ein større samanheng og den viser at gevinsten Samnanger kommune oppnår med å privatisere vegar ikkje står i forhold til innsatsen. Det kostar mykje å gjennomføre, det skaper mykje støy blant innbyggjarane, innsparingane vil vera låge og me oppnår svært lite med tanke på rettferd. På dette grunnlaget blir sak med å privatisere vegar avslutta. Som del av avslutninga skal Nyutløytrævegen igjen vere kommunal veg og administrasjonen får i oppdrag å vurdere kritiske naudsynte tiltak på vegen. Dersom kommunen skal forsøkje å spare pengar på veghold bør ein vurdere om det for enkelte vegstrekningar er mogeleg å senke standard for vinterveggholdet. Det bør og vurderast om private kan ta ein større del av vinterveggholdet. Det bør i tillegg vurderast alternative løysingar til dagens praksis med leige av driftslokaler hos BKK på Frøland.»*

#### **Vurderingar og konsekvensar:**

Teknisk drift har 530.000 kroner til drift av vegvedlikehald (salt, grus, fast dekke) på budsjettet i 2019. Dette skal dekke utgifter med 26 km kommunal veg. Det er eit stort etterslep på vegvedlikehaldet, og fleire viktige kommunale vegar har stått på vent i lang tid. Kommunen sin økonomi tilseier at vi må ta nødvendig vedlikehald over fleire år. Der vi kan oppgradere vegar i samband med VA-prosjekt, er det ein økonomisk fordel. Vi ser det som ei stor utfordring å få driftsansvaret for to nye vegar opp i utmarkområde. Desse utgjør om lag 4 km meir veg å fordele utgiftene på. Kommunen bør prioritera driftsansvar på hovudvegar/samlevegar og vegar i regulerte bustadområde. Vi bør ikkje ta på oss nye vegar når vi veit at budsjetta ikkje er tilstrekkeleg for å halde vegane våre på eit tilfredstillande nivå. Eit auke i vegbudsjett kan då måtte prioriterast framfor andre tenestetilbod.

Private vegar kan sette opp bompengefinansiering for sine brukarar, og søkje naturskadefondet for skade. Veglag er og eit alternativ for å fordele utgiftene på brukarane som bur eller har næring langs vegen. Både kommunen og skigruppa ønskjer å få til veglag for Totrænavegen. Det er heldt eit møte med grunneigarane utan resultat. Skigruppa har tatt nytt initiativ som vi bør følgje opp på nytt i løpet av vinteren.

I interpellasjonen vert arbeidet med privatisering og kommunalt tilskot til veg lagt ned. Det vert og peika på at vegsaker skaper mykje støy og uro blant innbyggjarane. Administrasjonen har i løpet av denne diskusjonen fått ein del innspel frå veigeigarar om urett for at nokon vegar skal få kommunal driftstilskot og nokon ikkje. Det vert difor viktig for både innbyggjarane og administrasjonen å få ro og få tatt ned desse spørsmåla.

Med bakgrunn i både økonomi og kva vegar kommunen bør ha driftsansvar for, tilrår vi å ikkje overføre driftsansvaret for desse to vegane til Samnanger kommune. Vi har forståing for at idrettslaga har mykje dugnad på vegane. Vi tilrår difor at laga nyttar den mogelegheita dei har og sett opp bom/kasse for brukar betaling. Dette er mykje brukt for å skaffe inntekt til vegvedlikehald og parkering, og prisen ålmenta og brukarar bør betala for å få køyre heilt opp og til «døra» i idrettsanlegga. I skianlegget kan «gamal parkeringsplass» nyttast for dei som ikkje ønskjer betale. For skytebana vil truleg «postkasse» betaling vera løysinga, i og med vegen går vidare til Føryøåsen.



## **SAKSFRAMLEGG**

|                                               |                          |
|-----------------------------------------------|--------------------------|
| <b>Sakshandsamar:</b> Meline Heimdal Haugland | <b>Arkivkode:</b> FA-D11 |
| <b>Arkivsaksnr:</b> 18/572                    | <b>Løpenr:</b> 19/9260   |
| <b>Sakstype:</b> Politisk sak                 |                          |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Kommunestyret                    | 05.12.2019      | 076/2019      |

## **Rullering av handlingsprogram og prioritering av spelemiddelsøknader 2019 Kommunedelplan for idrett, fysisk aktivitet og friluftsliv**

### **Rådmannen sitt framlegg til vedtak:**

Samnanger kommune vedtek handlingsprogrammet for 2019 og prioriterer søknader om spelemidler til ordinære anlegg i denne rekkefølga:

1. Friidrettsbane
2. Bjørkheim friluftsområde

### **Dokument som er vedlagt:**

Handlingsprogram 2019-2022

### **Dokument som ikkje er vedlagt:**

Kommunedelplan for idrett, fysisk aktivitet og friluftsliv

Bestemmelser om tilskudd til anlegg for idrett og fysisk aktivitet – 2019

Lov om planlegging og byggesaksbehandling

### **Kva saka gjeld:**

Søknader om spelemidler skal prioriterast gjennom politisk fatta vedtak og i samsvar med kommunen sin plan for idrett, fysisk aktivitet og friluftsliv.

For å kunna søka om spelemidler til ordinære anlegg er det ein føresetnad at anlegget er del av ein vedteken kommunal plan som omfattar idrett og fysisk aktivitet. For å fanga opp nye eller endra behov krev plan- og bygningsloven ein årleg rullering av handlingsdelen jf. § 11-1. For nærmiljøanlegg omfattar vilkåret kun anlegg med ei kostnadsramme over kr 600 000.

Frist for innspel til handlingsprogrammet til Kommunedelplan for idrett, fysisk aktivitet og friluftsliv var 30. juni. Det kom ingen nye innspel til handlingsprogrammet innan fristen og rullering av handlingsprogrammet vert difor tatt med i denne saka.

Rulleringa av handlingsprogrammet og prioritering av søknader i 2019 vert oversendt til Hordaland fylkeskommune og handsama i 2020.

Kommunen skal sette opp ei oversikt over søknadane i to søknadsgrupper:

- Ordniære anlegg
- Nærmiljøanlegg

Ordniære anlegg vert definert som anlegg for organisert og eigenorganisert idrett og fysisk aktivitet. Nærmiljøanlegg vert definert som anlegg eller område for eigenorganisert fysisk aktivitet, som ligg i tilknytning til bu- og/eller opphaldsområder. Nærmiljøanlegg er kun utandørsanlegg.

### **Heimel og formål med spelemidlar**

Spelemidlar til bygging og rehabilitering av idrettsanlegg skal bidra til infrastruktur som gjev innbyggjarane høve til å driva aktivitet, både i regi av den frivillige, medlemsbaserte idretten og gjennom høve for eigenorganisert aktivitet.

Anlegg i lokalmiljøet som stimulerar og tilfredsstillar barn sine behov for fysisk aktivitet i organiserte eller uorganiserte formar, vert særskild prioritert. Når det gjeld ungdom, er det eit mål å utvikla anlegg som tilfredsstillar ungdommen sine behov for utfordringar og variasjon. Ungdom må få høve til å medverke i utforminga av anlegg. Anlegga bør fungera som gode sosiale møteplassar i lokalsamfunna.

### **Vurderingar og konsekvensar:**

I år er det to søknader til ordinære anlegg å prioritera mellom. Det er friidrettsanlegg i Hagabotnane og Bjørkheim friluftsområde. Det er ingen søknader om spelemidlar til nærmiljøanlegg innan fristen.

På grunn av stort etterslep i Hordaland vil tiltaka ikkje få prioritet før søknaden har vore fremja i tre år. Begge tiltaka har vore søkt på tidligare. Det er tredje året søknad om tilskot til friidrettsanlegg vert fremja og andre året for Bjørkheim friluftsområde. Begge søknadane er vurdert å vera i orden v. Hordaland fylkeskommune.

Prioriteringa av spelemiddelsøknader skal i utgangspunktet vurderast ut frå kva for eit anlegg det er mest behov for. Samstundes er det eit stort etterslep i Hordaland, og det er som regel få søknader å prioritera mellom i Samnanger. Det gjer at det vert naturleg å ha ei «kø-ordning», kor dei som søker på andre året etc. vert prioritert før nye søknader.

Me har valt å leggja til grunn for ei kø-ordning. Då vert friidrettsanlegget prioritert som nummer 1 og Bjørkheim friluftsområde som nummer 2.

Alle idrettsanlegg som får godkjent søknaden sin av Hordaland fylkeskommune vil til slutt få spelemidlar, men det kan ta fleire år.



## **SAKSFRAMLEGG**

|                                     |                          |
|-------------------------------------|--------------------------|
| <b>Sakshandsamar:</b> Jan Erik Boge | <b>Arkivkode:</b> FE-400 |
| <b>Arkivsaksnr:</b> 19/251          | <b>Løpenr:</b> 19/9534   |
| <b>Sakstype:</b> Politisk sak       |                          |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Kommunestyret                    | 05.12.2019      | 077/2019      |

## **Oppheving av kapittel 4 i personalvedtektene (tilsetjingsvedtekter)**

### **Rådmannen sitt framlegg til vedtak:**

Kapittel 4 i personalvedtektene (tilsetjingsvedtekter) vert oppheva med verknad frå 01.01.2020, og vert då erstatta med eit tilsettingsreglement som vert vedteke av rådmannen.

### **Dokument som er vedlagt:**

Utkast til tilsettingsreglement

### **Dokument som ikkje er vedlagt:**

- Personalvedtekter for Samnanger kommune  
(<https://www.samnanger.kommune.no/artikkel.aspx?MId1=61&AId=345>)
- Kommuneleva  
(<https://lovdata.no/dokument/NL/lov/2018-06-22-83>)

### **Kva saka gjeld:**

Samnanger kommune sine noverande personalvedtekter vart vedtekne av kommunestyret 26.09.2011. Personalvedtektene er delt inn i ni kapittel:

1. Personalpolitiske retningslinjer
2. Etiske prinsipp
3. Generelle personalvedtekter
4. Tilsetjingsvedtekter
5. Permisjonsvedtekter
6. Fleksitidsvedtekter
7. Telefonvedtekter
8. Vedtekter for påskjønnig av tilsette
9. Vedtekter for flytting og gjersle

Det er administrasjonsutvalet som har innstillingsmynde til kommunestyret om revisjon av personalvedtektene. Administrasjonsutvalet vedtok 14.03.2019 (sak 003/19) at det skal utarbeidast framlegg til reviderte personalvedtekter. Framlegg til reviderte personalvedtekter vart lagt fram for administrasjonsutvalet 21.11.2019 (sak 012/2019). Administrasjonsutvalet gjorde følgjande vedtak:

*«Utkast til permisjonsreglement, fleksitids-/arbeidsreglement, telefonreglement og reglement for påskjønning av tilsette vert sendt ut på høyring til fagforeiningane og einingsleiarane, med høyringsfrist 15.01.2020. Saka om revisjon av personalvedtektene skal så leggjast fram på nytt i administrasjonsutvalet sitt første møte i 2020 og etter dette gå vidare til endeleg handsaming i kommunestyret.*

*Kapittel 4 i personalvedtektene (tilsetjingsvedtekter) vert oppheva med verknad frå 01.01.2020, og vert då erstatta med eit tilsettingsreglement som vert vedteke av rådmannen.»*

På bakgrunn av administrasjonsutvalet sitt vedtak 21.11.2019, vert det no lagt fram sak for kommunestyret 05.12.2019 om å oppheva kapittel 4 i personalvedtektene med verknad frå 01.01.2020. Dette kapitlet vil då verta erstatta av eit tilsettingsreglement som vert vedteke av rådmannen.

#### **Vurderingar og konsekvensar:**

Kommunestyret handsama 06.06.2019 sak om revisjon av kommunen sitt delegeringsreglement (sak 029/2019). Denne revisjonen gjaldt mellom anna reglar om tilsettingsmynde. Kommunestyret vedtok at rådmannen med verknad frå 24.10.2019 overtek tilsettingsmynde for alle stillingar i kommunen (med unntak av tilsetting av rådmann.). Bakgrunnen for vedtaket var at i § 13-1 i den nye kommunelova (som i Samnanger gjeld frå 24.10.2019) er tilsettingsmynde lagt til rådmann (kommunedirektør). I den gamle kommunelova låg dette myndet til kommunestyret. Det gjekk i saksutgreiinga til kommunestyresak 029/2019 fram at frå 24.10.2019 vil det vera rådmannen som avgjer korleis tilsettingar i kommunen skal gjennomførast/organisast. Ut frå dette vil det vera naturleg at rådmannen vedtek kommunen sitt tilsettingsreglement.

Av praktiske årsaker ønskjer rådmannen ikkje å innføra nytt tilsettingsreglement/nye tilsettingsrutinar før 01.01.2020. Kapittel 4 i personalvedtektene (tilsetjingsvedtekter) må i så fall opphevast frå same dato, og dette må gjerast av kommunestyret.

Sak om revisjon av resten av personalvedtektene vil truleg koma opp i kommunestyret i mars 2020.

Administrasjonen har utarbeidd utkast til nytt tilsettingsreglement. Utkastet følgjer som vedlegg til dette saksframlegget, til informasjon. Den vesentlegaste endringa i forhold til i dag vil vera at kommunen går vekk frå ordninga med at eit partssamansett tilsettingsutval gjer tilsettingsvedtak. I staden vil det vera arbeidsgjevar (rådmann, einingsleiarar/tilsvarande) som gjer tilsettingsvedtak. Dei tillitsvalde vil likevel framleis verta tekne med i tilsettingsprosessane om lag på same måte som i dag, men dei vil ikkje lenger ha stemmerett når det skal gjerast tilsettingsvedtak.

Framlegget til vedtak i kommunestyret er identisk med det siste avsnittet i administrasjonsutvalet sitt vedtak 21.11.2019 i sak 012/2019.



## **SAKSFRAMLEGG**

|                                     |                          |
|-------------------------------------|--------------------------|
| <b>Sakshandsamar:</b> Jan Erik Boge | <b>Arkivkode:</b> FE-403 |
| <b>Arkivsaksnr:</b> 18/1210         | <b>Løpenr:</b> 19/9135   |
| <b>Sakstype:</b> Politisk sak       |                          |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Administrasjonsutvalet           | 21.11.2019      | 013/2019      |
| Kommunestyret                    | 05.12.2019      | 078/2019      |

## **Overgang til lik arbeidstid i sommar- og vinterhalvåret for kontoradministrasjonen i Samnanger kommune**

### **21.11.2019 Administrasjonsutvalet:**

Handsaming i møtet:

Knut Harald Frøland (BI) spurde om dei tilsette si arbeidstid vil verta redusert dersom rådmannen sitt framlegg vert vedteke. Rådgjevar Jan Erik Boge orienterte om at arbeidstida vil verta redusert med 2,5 minutt pr. arbeidsdag.

Rådmannen sitt framlegg til vedtak vart samrøystes vedteke.

### **ADM- 013/2019 Vedtak:**

Arbeidstidsordninga for tilsette i Samnanger kommune som tilhøyrrer gruppa kontoradministrasjon, vert med verknad frå 01.01.2020 endra til:

- Arbeidstida pr. veke er 37 timar og 55 minutt, inkludert matpause. Denne arbeidstida gjeld heile året.
  - Normalarbeidstida skal vera kl. 07.30-15.05.

Vedtaket er gjort med heimel i hovudtariffavtalen, kapittel 1, § 4.2.1.

### **Rådmannen sitt framlegg til vedtak:**

Arbeidstidsordninga for tilsette i Samnanger kommune som tilhøyrrer gruppa kontoradministrasjon, vert med verknad frå 01.01.2020 endra til:

- Arbeidstida pr. veke er 37 timar og 55 minutt, inkludert matpause. Denne arbeidstida gjeld heile året.
  - Normalarbeidstida skal vera kl. 07.30-15.05.

Vedtaket er gjort med heimel i hovudtariffavtalen, kapittel 1, § 4.2.1.

**Dokument som ikkje er vedlagt:**

- Hovudtariffavtalen (<https://www.ks.no/link/ad226d6f974b482bb3d4c5b195e6c007.aspx>)
- Kapittel 6 i personalvedtekter for Samnanger kommune (<https://www.samnanger.kommune.no/Handlers/fh.ashx?Mid1=98&Filld=149>)
- Kommunenes personalhåndbok 2019

### **Kva saka gjeld:**

Administrasjonsutvalet bad 14.03.2019 (sak 004/2019) administrasjonen om å leggja fram sak om avslutning av den noverande ordninga med ulik arbeidstid i sommar- og vinterhalvåret for kontoradministrasjonen i kommunen. Arbeidstida er i dag som følgjer, jf. punkt 6.2 i personalvedtektene:

- 37,5 timar pr. veke i sommarhalvåret (15. april – 14. oktober), inkludert matpause, normalarbeidstid kl. 07.30 – 15.00.
- 38,75 timar pr. veke i vinterhalvåret (15. oktober – 14. april), inkludert matpause, normalarbeidstid kl. 07.45 – 15.30.

Denne arbeidstidsordninga har slik administrasjonen forstår det, vore uendra sidan midt på 1980-talet, då den vart vedteken av kommunestyret.

Bakgrunnen for at kontoradministrasjonen har ei arbeidstid som ikkje er i samsvar med hovudtariffavtalen (HTA) sin hovudregel om arbeidstid på 37,5 timar pr. veke (eksklusiv matpause), er ein sikringsregel i HTA kapittel 1, § 4.2.1. Der står det at «*kontoradministrasjonens ordinære arbeidstid skal være den som nå gjelder i den enkelte kommune.....*». Denne sikringsregelen har slik administrasjonen forstår det, stått i HTA sidan 1986/1987.

Administrasjonen fekk i 2018 avklart frå Kommunesektorens organisasjon (KS) at det vil vera høve til å gå vekk frå ordninga med å ha ulik arbeidstid i sommar- og vinterhalvåret, men at arbeidstida då må verta lik gjennomsnittet av noverande sommar- og vinterarbeidstid.

### **Vurderingar og konsekvensar:**

Dersom ordninga skal endrast slik at det vert lik arbeidstid i sommar- og vinterhalvåret, vil arbeidstida i utgangspunktet verta 38,125 timar pr. veke, inkludert matpause.

Ei arbeidstid pr. veke på 38,125 timar vil utgjera ei arbeidstid pr. dag på 7,625 timar (7 timar, 37 minutt og 30 sekundar). Det vil vera ei lite praktisk ordning å ha ei dagleg arbeidstid som ikkje er avrunda til nærmaste heile fem minutt. Det vil ikkje vera tariffmessig høve til å runda av oppover til nærmaste heile fem minutt. Administrasjonen foreslår derfor at den daglege arbeidstida vert runda av nedover til nærmaste heile fem minutt, slik at arbeidstida pr. dag vert 7 timar og 35 minutt, inkludert matpause. Arbeidstida pr. veke vil då verta 37 timar og 55 minuttar, inkludert matpause.

Administrasjonen foreslår at den nye arbeidstidsordninga vert innført frå og med 01.01.2020.

Administrasjonen foreslår vidare at normalarbeidstida skal vera kl. 07.30 – 15.05. Det kunne vore eit alternativ å ha normalarbeidstid kl. 07.45 – 15.20, men administrasjonen meiner det vil vera «ryddigast» at normalarbeidstida startar kl. 07.30. Kontorpersonalet vil uansett vanlegvis ha rett til fleksitidsordning, og den enkelte tilsette vil derfor til ein viss grad kunne styra når ho/han begynnar og avsluttar arbeidsdagen.

Eventuelle andre endringar i fleksitidsreglane bør gjerast som ein del av eiga sak om revisjon av kommunen sine personalvedtekter.

### **Kva grupper av tilsette gjeld arbeidstidsordninga for?**

Administrasjonsutvalet vedtok 14.03.2019 (sak 004/2019) at administrasjonen (rådmannen) må

vurdera om nokon andre grupper kjem inn under den same arbeidstidsordninga som tilsette på kommunehuset/kontoradministrasjonen. Dette kan for eksempel gjelda kontortilsette i dei einingane som ikkje held til på kommunehuset. Denne vurderinga er enno ikkje ferdig, men administrasjonen er i gang med arbeidet og reknar med å vera ferdig innan årsskiftet 2019/2020. Det må eventuelt leggjast fram eiga sak om dette.



## **SAKSFRAMLEGG**

|                                       |                          |
|---------------------------------------|--------------------------|
| <b>Sakshandsamar:</b> Marianne Soleng | <b>Arkivkode:</b> FA-U63 |
| <b>Arkivsaksnr:</b> 19/169            | <b>Løpenr:</b> 19/8765   |
| <b>Sakstype:</b> Politisk sak         |                          |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Kommunestyret                    | 05.12.2019      | 079/2019      |

## **Klage på politisk vedtak - Skjenkeløyve - Milano Pizzeria Bjørkheim**

### **Rådmannen sitt framlegg til vedtak:**

Vedtaket i sak KS 045/19 vert ståande.

Klagen vert oversendt til Fylkesmannen i Vestland for endeleg avgjerd.

### **Dokument som er vedlagt:**

E-post med klage på vedtak - Skjenkeløyve Milano Pizzeria Bjørkheim.

Brev frå Advisorwest datert 20.11.2019

Tilleggsopplysningar frå Skatteetaten

E-post: Tilsynsrapport Milano Pizzeria Samnanger - 10.07.2019

Påpeking av plikt til å etterleve næringsmiddelregelverket

Ettersending av tilsynsrapport Milano Pizzeria Vaksdal - 22.11.2018

Vedtak om stenging og førehandsvarsel om pålegg

E-post: Tilsynsrapporter frå tverretatleg kontroll Milano Pizzeria Vaksdal

Forhåndsvarsel om vedtak om internkontroll

Melding om vedtak om internkontroll

Rapport frå tilsyn 24.10.2019 frå Skatteetaten

E-post (287682)

### **Dokument som ikkje er vedlagt:**

Alkoholloven med forskrifter

Søknad

### **Kva saka gjeld:**

Kommunestyret handsama søknad om skjenkeløyve frå enkeltmannsforetaket Milano Pizzeria Vaksdal Halis Celep (917 124 264) i lokala i Bjørkheim senter første gang i junimøtet i sak 024/19.

Det vart fatta vedtak om å utsetja saka då politiet, trass i purringar, ikkje hadde komme med uttale i saka.

I kommunestyremøtet 17.10.2019 i sak 045/19 vart saka handsama på nytt. Det vart denne gongen gjort vedtak om å avvise søknaden med heimel i alkoholloven 1-7 b.

Sakshandsamar sende 23.10.2019 melding om vedtak til søkjar. I brevet vart det opplyst om

klagerett. Vest politidistrikt og skjenkekontrollen i Kvam vart også orientert om vedtaket i skriftleg melding, då dette er prosedyre i alle skjenkesaker som vert handsama i Samnanger.

Den 01.11.2019 klaga Milano Pizzeria Bjørkheim v/ Halis Celep på kommunestyret sitt vedtak pr. e-post. Dette er innanfor reglane om klagefristen på tre veker «etter at søkjar er gjort kjent med vedtaket». Klagen ligg som vedlegg til dette sakspapiret.

Den 20.11.2019 mottok kommunen eit brev frå AdvisorWest byggesøknader & tegnetjenester v/ Andreas Waardal. Dette brevet ligg som vedlegg til sakspapiret.

Samnanger kommune har ikkje motteke melding om eller fullmakt frå Milano Pizzeria eller Halis Celep om at dette firmaet representerer klagar.

#### **Vurderingar og konsekvensar:**

Då skjenkeløyvet vart handsama i kommunestyremøtet 17.10.2019 av slo kommunestyret søknaden med heimel i alkoholova §1-7b.

Etter at kommunen mottok klage på dette vedtaket, har sakshandsamar nok ein gong vore i kontakt med Skatteetaten sitt A-krimssenter i Bergen for å forhøyra seg om det har komme inn opplysningar i etterkant av vedtaket som kan ha betydning for handsaminga av klagen.

Det viser seg at Skatteetaten, saman med Mattilsynet, har utført eit tverretatleg tilsyn i lokala til Milano Pizzeria Vaksdal Celep (org.nr. 917 124 264) den 24.10.2019.

Tilsynet avdekkja brot på både Skatteetaten sitt og Mattilsynet sitt regelverk. Sjå vedlegg til saksframlegget for detaljar.

Mattilsynet har også hatt tilsyn med firmaet to gonger tidlegare, 22.11.2018 og 10.07.2019. Rapportane frå desse tilsyna ligg som vedlegg til dette saksframlegget.

Sakshandsamar vurderer ut fra opplysningane i saka at kommunestyret bør halda fast på vedtaket som vart fatta i sak 045/19, og avslå søknaden jf. alkoholoven §1-7b.



## **SAKSFRAMLEGG**

|                                     |                          |
|-------------------------------------|--------------------------|
| <b>Sakshandsamar:</b> Jan Erik Boge | <b>Arkivkode:</b> FE-033 |
| <b>Arkivsaksnr:</b> 19/989          | <b>Løpenr:</b> 19/8714   |
| <b>Sakstype:</b> Politisk sak       |                          |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Formannskapet                    | 14.11.2019      | 044/2019      |
| Kommunestyret                    | 05.12.2019      | 080/2019      |

## **Godkjenning av møteplan for 2020**

### **14.11.2019 Formannskapet:**

Handsaming i møtet:

Rådgjevar Jan Erik Boge orienterte om at administrasjonen foreslo følgjande endringar i forhold til det utsende framlegget til møteplan:

- Formannskapet sitt møte i januar vert flytta frå fredag 17.01.2020 til torsdag 16.01.2020.
- Naturutvalet sitt møte i mai vert flytta frå tysdag 19.05.2020 til tysdag 12.05.2020.
- Administrasjonsutvalet sitt møte i mars vert flytta frå onsdag 11.03.2020 til torsdag 12.03.2020.

Det var òg semje i formanskapet om å gjera følgjande endringar og presisering:

- Formannskapsmøtet i mai vert flytta frå onsdag 20.06.2020 til torsdag 28.05.2020.
- Kommunestyremøtet i juni vert flytta frå torsdag 04.06.2020 til torsdag 11.06.2020.
- Formannskapet sitt møte i januar skal vera heildagsmøte.

Formannskapet vedtok samrøystes rådmannen sitt framlegg til møteplan, justert for dei endringane/presiseringane som er lista opp ovanfor.

### **FORM- 044/2019 Vedtak:**

Framlegget til møteplan for 2020 vert vedteke, med følgjande endringar:

- Formannskapet sitt møte i januar vert flytta frå fredag 17.01.2020 til torsdag 16.01.2020. Dette møtet skal vera heildagsmøte.
- Naturutvalet sitt møte i mai vert flytta frå tysdag 19.05.2020 til tysdag 12.05.2020.
- Administrasjonsutvalet sitt møte i mars vert flytta frå onsdag 11.03.2020 til torsdag 12.03.2020.
- Formannskapet sitt møte i mai vert flytta frå onsdag 20.06.2020 til torsdag 28.05.2020.
- Kommunestyret sitt møte i juni vert flytta frå 04.06.2020 til torsdag 11.06.2020.

Vedtaket er gjort med heimel i § 11-2 i kommunelova.

### **Rådmannen sitt framlegg til vedtak:**

Framlegget til møteplan for 2020 vert vedteke. Vedtaket er gjort med heimel i § 11-2 i kommunelova.

**Dokument som er vedlagt:**

Framlegg til møteplan for 2020

**Dokument som ikkje er vedlagt:**

Kommunelova, Reglement for kommunestyret, formannskapet, naturutvalet og kontrollutvalet, Kommunestyret sitt vedtak i sak 002/2018

**Kva saka gjeld:**

Det skal i kommunestyret sitt desembermøte leggjast fram sak om møteplan for kommunestyret, formannskapet, naturutvalet, administrasjonsutvalet, arbeidsmiljøutvalet, eldrerådet, ungdomsrådet og rådet for personar med nedsett funksjonsevne. Kommunestyret skal der vedta møteplanen for desse organa for det komande året. Det enkelte organet skal ha fullmakt til gjera justeringar i møteplanen sin i løpet av året dersom det er behov for dette.

Kontrollutvalet, som har eige sekretariat som ikkje har tilknytning til kommuneadministrasjonen, fastset møteplanen sin sjølv.

Framlegg til møteplan for 2020 følgjer som vedlegg til dette saksframlegget. Rådmannen har hatt dialog med ordføraren i samband med utarbeiding av framlegget. Det vert i framlegget foreslått til følgjande tal møte i 2020:

| Styre/utval/råd                         | Tal møte i 2020 | Møtedag |
|-----------------------------------------|-----------------|---------|
| Kommunestyret                           | 6 møte *        | Torsdag |
| Formannskapet                           | 6 møte          | Torsdag |
| Naturutvalet                            | 5 møte          | Tysdag  |
| Rådet for pers. med nedsett funksj.evne | 2 møte          | Tysdag  |

| Styre/utval/råd         | Tal møte i 2020 | Møtedag |
|-------------------------|-----------------|---------|
| Arbeidsmiljøutvalet     | 4 møte          | Måndag  |
| Eldrerådet              | 3 møte          | Tysdag  |
| Ungdomsrådet            | 6 møte          | Onsdag  |
| Administrasjons-utvalet | 4 møte          | Torsdag |

*\*) Inkludert folkevaldopplæring*

Det vert foreslått til saman seks møte i kommunestyret i 2020. Dette vil vera fem ordinære møte og eitt møte med folkevaldopplæring. Det vert ikkje foreslått å ha møte i formannskapet i forkant av dei to sistnemnde kommunestyremøta, berre i forkant av dei fem ordinære kommunestyremøta.

**Vurderingar og konsekvensar:**

Reglar om møte i folkevalde organ står mellom anna i § 11-2 i kommunelova:

**§ 11-2. Møte**

Folkevalgte organer skal behandle saker og treffe vedtak i møter.

Møter i folkevalgte organer skal holdes hvis ett av følgende vilkår er oppfylt:

- a) Organet selv, kommunestyret eller fylkestinget vedtar det.
- b) Organets leder mener det er nødvendig.
- c) Minst 1/3 av medlemmene krever det.

Møter i folkevalgte organer ledes av organets leder eller nestleder. Hvis begge har forfall, velges en særskilt møteleder ved flertallsvalg.

Alle medlemmer kan stille spørsmål til lederen, også om saker som ikke står på sakslisten.

Det går òg fram av kommunestyret sitt vedtak i sak 002/2018 at det enkelte organet har fullmakt til å gjera justeringar i møteplanen sin i løpet av året dersom det er behov for dette. Det kan derfor verta

endringar i møteplanen i løpet av 2020.



## SAKSFRAMLEGG

|                                       |                          |
|---------------------------------------|--------------------------|
| <b>Sakshandsamar:</b> Hilde-Lill Våge | <b>Arkivkode:</b> FE-223 |
| <b>Arkivsaksnr:</b> 18/951            | <b>Løpenr:</b> 19/8167   |
| <b>Sakstype:</b> Politisk sak         |                          |

### SAKSGANG

| Styre, utval, komité m.m. | Møtedato   | Saksnr   |
|---------------------------|------------|----------|
| Formannskapet             | 14.11.2019 | 042/2019 |
| Kommunestyret             | 05.12.2019 | 081/2019 |

### Søknad om løypetilskudd på Kvamskogen Kvamskogen Vel 2020.

#### 14.11.2019 Formannskapet:

Handsaming i møtet:

Øyvind Strømmen (MDG) sette fram følgjande endringsframlegg i forhold til den siste setninga i rådmannen sitt framlegg:

*"Tilskotet vert finansiert med fondet for fisk og friluftsføremål knt 251.20.476".*

I røystinga vart framlegget til rådmannen sett opp mot framlegget til Øyvind Strømmen. Øyvind Strømmen sitt framlegg fekk fem røyster og vart vedteke. Rådmannen sitt framlegg fekk fire røyster.

Følgjande medlemmer røysta for Øyvind Strømmen sitt framlegg:

- Øyvind Strømmen (MDG)
- Shirin Kvernes Khadoor (Ap)
- Martin Haugen (Bl)
- Lena Tveit (Bl)
- Gunn Totland Moss (KrF)

Følgjande medlemmer røysta for rådmannen sitt framlegg:

- Øyvind Røen (Sp)
- Knut Harald Frøland (Bl)
- Odd Arne Haga (Frp)
- Jon Magne Bogevik (Ap)

#### FORM- 042/2019 Vedtak:

Samnanger kommune gjev 15.000,- i tilskot til løypepreparering til Kvamskogen, med spesielt fokus på løyper frå Eikedalen og austover. Tilskotet vert årleg frå 2020 inntil kommunestyret i Samnanger kommune vedteke å avslutte ordninga. Frå 2020 vert tilskot utbetalt til Kvamskogen næringslag/Kvamskogen vel. Samnanger kommune deltek årleg i næringslaget sitt løypemøte i lag med dei andre tilskotytarane.

Tilskotet vert finansiert med fondet for fisk og friluftsføremål knt 251.20.476.

**Rådmannen sitt framlegg til vedtak:**

Samnanger kommune gjev 15.000,- i tilskot til løypepreparering til Kvamskogen, med spesielt fokus på løyper frå Eikedalen og austover. Tilskotet vert årleg frå 2020 inntil kommunestyret i Samnanger kommune vedteke å avslutte ordninga. Frå 2020 vert tilskot utbetalt til Kvamskogen næringslag/Kvamskogen vel. Samnanger kommune deltek årleg i næringslaget sitt løypemøte i lag med dei andre tilskotytarane.

Tilskotet vert finansiert med 50 % frå næringsfondet knt 1400.3251 og 50 % frå fisk og friluftsføremål knt 251.20.476.

**Dokument som er vedlagt:**

brev til Samnanger kommune, søknad preparering 2020

Vedtekter for bruk av konsesjonsmidlar i Samnanger kommune (L)(272941)

**Dokument som ikkje er vedlagt:**

Dokumentasjon på overføring av tilskotet til Kvamskogeegn næringslag.

**Kva saka gjeld:** Søknad om kroner 15.000 i tilskot til løypepreparering på Kvamskogen.

**Fakta:** Kvamskogen vel v/Eva Grimstad søker om tilskot til løypepreparering for vinteren 2020 med spesielt fokus på løyper frå Eikedalen og austover. Dei søkte og i 2018, og fekk tilsvarende tilskot for vintersesongen 2019. Tilskotet vart då finansiert frå næringsfondet.

Samnanger kommune grensar i lag med Kvam kommunen eit hytteområde på om lag 2.500 hytter. For næringslivet i Samnanger ligg ein del av hyttefolket til deira kundegrunnlag. I tillegg er både bergensarar, fastbuande i Eikedalen og i resten av kommunen brukarar av løypenettet på dagstur og i helgar.

**Vurderingar og konsekvensar:** I både eit folkehelse og næringsperspektiv er eit godt og variert løypenett frå både Eikedalen og over store delar av Kvamskogen positivt. Både Kvam kommune, næringslivet og hytteigarar der, Hordaland fylkeskommune og BOF mm er med å finansierer løypenetta. For hyttefolket og fastbuande i Eikedalen vil det spesielt verte eit gode å få preparerte løyper i tilknytning til eit større løypenett på heile Kvamskogen. I eikedalen er det om lag 30 fastbuande.

I følgje Kvamskogen næringslag løyvde Samnanger kommune for mange år tilbake eit årleg tilskot til løypepreparering til næringslaget. Løypepreparering er på totalt på 1.170.500 kroner. Dersom kommunen no ønskjer om å gje årleg tilskot bør dette gå inn som tilskot over kulturbudsjettet til kommunen. Tilskotet i 2019 vart utbetalt til Velforeininga. Dei overførte dette til Kvamskogen næringslag, som administrerer tiltaket. Samnanger kommune vil verte invitert til planleggingsmøte i næringslaget i lag med andre som gjev tilskot, for å planlegge av komande løypepreparering vinteren 2020.

Tilskotet kan verte finansiert med næringsfondet dersom det er å sjå som ein del av reiselivssatsinga og hytteutvikling av Eikedalen. Det kan og delfinansierast frå fiske og friluftsfondet (administrert av kultur) om vi vel å sjå tilskotet som tilrettelegging for friluftaktivitet for ålmenta, og særskilt fastbuande i Eikedalen. Vi foreslår å dele finansieringa mellom desse.

Samnanger kommune ønskjer fortsatt eit godt samarbeid med Kvamskogen vel på ei rekkje aktivitetar i Eikedalsområdet og for vidare utvikling av næringslivet elles i Samnanger.

**Orientering:**

*Samnanger kommune gjev ikkje tilskot til løypepreparering eller anna tilskot på skianlegget på Gullbotnen.*

*Bergen og BOF er i dialog med SK om utbetring av parkeringa.*

*Samnanger kommune gjev og eit årleg fast tilskot på 25.000 kroner til Samnanger idrettslag v/skigruppa for brøyting av vegen til Totræna skianlegg. Tilskotet vert utbetalt over kulturbudsjettet. Teknisk drift har utført brøytinga for skigruppa for den private vegen og parkeringsplassen i samband med brøyting av den kommunale delen av vegen. Teknisk drift vil vurdere om dei kan halde fram med ordninga etter vintersesongen 2020. Tidlegare har tilskotet vorte betalt ut til privat entreprenør. Idrettslaget får og andre kommunale tilskot gjennom kulturmidlar.*



## **SAKSFRAMLEGG**

|                                       |                                  |
|---------------------------------------|----------------------------------|
| <b>Sakshandsamar:</b> Hilde-Lill Våge | <b>Arkivkode:</b> FA-U64, TI-&40 |
| <b>Arkivsaksnr:</b> 19/662            | <b>Løpenr:</b> 19/8072           |
| <b>Sakstype:</b> Politisk sak         |                                  |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Formannskapet                    | 14.11.2019      | 038/2019      |
| Kommunestyret                    | 05.12.2019      | 082/2019      |

### **Ingeniørhytta ved Svartavatnet Overtaking og vidareutvikling**

#### **14.11.2019 Formannskapet:**

Handsaming i møtet:

Rådmannen sitt framlegg vart vedteke med åtte mot ei røyst. Jon Magne Borgevik (Ap) røysta imot.

#### **FORM- 038/2019 Vedtak:**

Rådmannen får mandat til å gå i dialog med grunneigarane og BKK om Ingeniørhytta si framtid.

Formannskapet vert styringsgruppe for prosjektet.

I forprosjektet vert det viktig å få avklara;

- Er hytta eit reiselivsmål og kva potensiale har den ?
- Nødvendige tiltak for hytta ?
- Investeringsbehov og finansiering ?
- Framtidig eigarskap ?
- Bruk av vegen og finansieringsløyser for ålmenta sin bruk ?
- Samarbeid med Kvam og «raude hytta» ?

#### **Rådmannen sitt framlegg til vedtak:**

Rådmannen får mandat til å gå i dialog med grunneigarane og BKK om Ingeniørhytta si framtid.

Formannskapet vert styringsgruppe for prosjektet.

I forprosjektet vert det viktig å få avklara;

- Er hytta eit reiselivsmål og kva potensiale har den ?
- Nødvendige tiltak for hytta ?
- Investeringsbehov og finansiering ?
- Framtidig eigarskap ?
- Bruk av vegen og finansieringsløyser for ålmenta sin bruk ?
- Samarbeid med Kvam og «raude hytta» ?

**Dokument som er vedlagt:**

«Ingeniørhytta» ein internasjonalt turistmagnet

**Kva saka gjeld: Forprosjekt – utvikling av Ingeniørhytta og tilgang til denne.**

**Bakgrunn for saka:** Samnanger kommune er blitt kontakta av BKK, som ønskjer å overføre Ingeniørhytta til grunneigarane eller ev kommunen. Kommunen hadde saman med BKK, grunneigarane og fylkeskommunen eit møte 21 mai i år. I møtet vart det lufta ulike tankar og idear og framtidig samarbeid for å bevare hytta. Det vart og drøfta moglegheita for ålmenta å kome fram med bil til hytta. Pr. i dag er vegen strengt med bom.

Hytta ligg spektakulært til oppe på demningen til Svartavatnet. Den har ei unik og viktig historie for Samnanger og kan verte ein spennande reiselivsdestinasjon og friluftsaktivitet.



**Vurderingar og konsekvensar:** Ingeniørhytta har ei interessant historie som kan koplust til krafthistoria til Ytre-Tysse og utbygginga av naturressursane i Samnanger. Fylkeskommunen er svært positiv til ei restaurering og bevaring av hytta. Ei føresetnad for hytta som framtidig reiselivprodukt vil vera å gjera vegen som i dag er regulert av grunneigarane open for ålmenta. Sidan dette er privat veg kan den dette gjennomførast med ulike alternativ og bomfinansiering. Viktigaste er at det vert høve til å køyre vegen for dei som er villig til å betale ei avgift for dette.

Grunneigarar til «raude hytta» på Kvamasida har vore i dialog med Samnanger kommune, og er interessert i samarbeid. Dei har fått same tilbod frå BKK om å overta «raude hytta» og står i same situasjon om kva dei gjer med si hytta. Begge hyttene kan verta interessant å sjå i samanheng og særskilt ved behov for større grupper med overnattingsbehov.

Kommune si rolle no i første omgang vil vera å avklara eit samarbeid med grunneigarane om hytta si framtid. Det kan gje moglegheita for at det vil krystallisera seg eit framtidig prosjekt. For å jobba vidare med hytta treng vi mandat for å kunne gå i dialog med grunneigarane og BKK. Eininga samfunnsutvikling følgjer opp prosjektet i tett dialog med kulturavdelinga og fylkeskommunen.

I første omgang er det å få avklart;

- Er hytta eit reiselivsmål og har den potensiale ?
- Nødvendige tiltak for hytta ?
- Investeringsbehov og finansiering ?
- Framtidig eigarskap ?
- Bruk av vegen og finansieringsløyser for ålmenta si bruk ?
- Samarbeid med Kvam og «raude hytta» ?



## **SAKSFRAMLEGG**

|                                       |                          |
|---------------------------------------|--------------------------|
| <b>Sakshandsamar:</b> Hilde-Lill Våge | <b>Arkivkode:</b> FA-U64 |
| <b>Arkivsaksnr:</b> 18/562            | <b>Løpenr:</b> 19/8073   |
| <b>Sakstype:</b> Politisk sak         |                          |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Formannskapet                    | 14.11.2019      | 039/2019      |
| Kommunestyret                    | 05.12.2019      | 083/2019      |

### **Forprosjekt - Fossen bratte**

### **Vidareutvikling av "Brudesløret" eit internasjonalt turistsymbol**

#### **14.11.2019 Formannskapet:**

Handsaming i møtet:

Øyvind Røen (Sp) orienterte om at rett skrivemåte skal vera Fossen bratte (ikkje Fossen Bratte) og Bruresløret (ikkje Brudesløret).

Jon Magne Borgevik (Ap) etterlyste informasjon om statuttane for næringsfondet. Han bad om at formannskapet får tilsendt desse statuttane.

Rådmannen sitt framlegg vart vedteke med åtte mot ei røyst. Jon Magne Borgevik (Ap) røysta imot.

#### **FORM- 039/2019 Vedtak:**

Samnanger kommune startar opp eit forprosjekt om Fossen bratte, for å vidareutvikla «Bruresløret» som eit internasjonalt turistsymbol.

Formannskapet er styringsgruppe for prosjektet. Rådmannen rapporterer til styringsgruppa.

Forprosjektet har eit budsjett på 400.000 kroner, der 50% vert dekt gjennom tilskot. Kommunen sin eigenandel vert finansiert med midlar - inntil 200.000 kroner - frå næringsfondet 1400.3251.

#### **Rådmannen sitt framlegg til vedtak:**

Samnanger kommune startar opp eit forprosjekt om Fossen Bratte, for å vidareutvikle «Brudesløret» som eit internasjonalt turistsymbol.

Formannskapet er styringsgruppe for prosjektet. Rådmannen rapporterer til styringsgruppa.

Forprosjektet har eit budsjett på 400.000 kroner, der 50% vert dekkja gjennom tilskot. Kommunen sin eigenandel vert finansiert med midlar inntil 200.000 kroner frå næringsfondet 1400.3251.

#### **Dokument som er vedlagt:**

**Dokument som ikkje er vedlagt:**

Statusrapport websak 19/7472

**Kva saka gjeld:** Reisleivprosjektet Fossen Bratte – *Vidareutvikling av «Brudesløret» eit internasjonalt turistsymbol.*

**Bakgrunn for saka:** Det er gjennomført eit moglegheitstudie for Fossen Bratte som reiselivsprosjekt (vedlagt). Prosjektet er presentert i kommunestyret 3 juni i år, og vart avslutta med ein presentasjon hos Fylkeskommunen. Vi har fått tilskot til moglegheitstudiet og Amland reiselivutvikling har vore leigd inn som prosjektleiar.

Moglegheitstudiet har kartlagt naturverdiar, synleggjort problemstillingar og føresetnadar; som til slutt har danna grunnlaget for vidare målsettingar og konkretiseringar for Fossen bratte som eit heilskapleg opplevingskonsept for reiselivet.

Toalettforholda ved Fossen Bratte har og lenge vore eit stor problem. Det er for låg kapasitet ved vegvesenet sine toalett når svært mange ønskje å sjå på Fossen. Sommaren 2019 sette vi ut mobile toalett for å avbøte på situasjonen. Det oppstår og farlege trafikksituasjonar når mange bilar stoppar på avkøyringslomma rett føre tunnelen. Uavhengig av ei vidare reiselivsutvikling med Fossen som destinasjon, er det nødvendig å finne løysing nye løysingar i lag med vegvesenet.

**Vurderingar og konsekvensar:** Med signala frå kommunestyret etter presentasjonen og konklusjonen i moglegheitstudiet, vil neste steg vera å gå vidare til neste nivå. Eit forprosjekt kan avklara ulike utbyggingsfasar, marknad, investeringsnivå, driftsform og innhaldet i attraksjonsopplevinga.

Søknadsfristen for fylkeskommunen sine handlingsprogram er allereie i september. For å ikkje måtte vente eit år har vi sendt ein administrativ søknad. Vi søker om tilskot på 200.000 kroner. Totalt er forprosjektet på 400.000 kroner der kommunen sin eigenandel (50%) kan verte dekkja frå næringsfondet/andre fond.

Forprosjektet skal gje svar på spørsmål om:

- Kva tekniske føresetnader må avklarast for eit eventuelt hovudprosjekt?
- Kva avtaler må vera på plass i løpet av forprosjektet med samarbeidspartnarar og grunneigarar?
- Vil det planlagde hovudprosjektet ha positiv miljø- eller samfunnseffekt? Kva skil aktivitets- og opplevingstilbodet frå andre tilbod i regionen?
- Har resultatet av prosjektet eit marknadspotensial?
- Kva vil vera riktige målgrupper, omtale og kvantifisering av desse. Teste ut konseptet på mulige brukargrupper, reiselivsorganisasjonar og andre relevante som kan seie noko om attraktiviteten i prosjektet. Har ein riktig kompetanse til hovudprosjektet og korleis sikre dette?
- Kva er investeringsbehovet og korelis skal dette finansierrast?
- Bør prosjektet utviklast i fleire fasar og kva bør kvar av fasane bestå av?
- Kva vil vere mest hensiktsmessig driftsform?
- Korleis vil den bedriftsøkonomiske lønnsmda av hovudprosjektet vera?

Vi treng difor mandat og få vedteke finansieringa dersom vi skal jobba vidare og følgje opp forprosjektet. Formannskapet bør vera styringsgruppe for arbeidet medan eininga for samfunnsutvikling har ansvaret for å følgje opp forprosjektet og rapportere til styringsgruppa.

Reguleringsarbeidet som vi har starta opp i Eikedalen tar og opp i seg moglege trafikale løysingar og ny avkøyring til Fossen Bratte. Dette arbeidet vil vera i samarbeid statens vegevesenet som er vegeigar for fv 49.





## **SAKSFRAMLEGG**

|                                               |                                  |
|-----------------------------------------------|----------------------------------|
| <b>Sakshandsamar:</b> Meline Heimdal Haugland | <b>Arkivkode:</b> FE-233, FA-C21 |
| <b>Arkivsaksnr:</b> 19/1040                   | <b>Løpenr:</b> 19/9487           |
| <b>Sakstype:</b> Politisk sak                 |                                  |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Kommunestyret                    | 05.12.2019      | 084/2019      |

## **Dagsturhytte i Samnanger**

### **Rådmannen sitt framlegg til vedtak:**

- Samnanger kommune er positiv til Hordaland fylkeskommune sitt prosjekt om etablering av dagsturhytte på turmål i alle kommunane i heile fylket
- Etablering av dagsturhytte vert innarbeidd som tiltak i handlingsprogrammet for kommunedelplan for idrett, fysisk aktivitet og friluftsliv i 2020-2023, og kommunen søker tilskot frå spelemidlar i 2020.

### **Dokument som er vedlagt:**

Konseptskisse

Dagsturhytte i Eid kommune

### **Dokument som ikkje er vedlagt:**

Invitasjon til å søkje om midlar til dagsturhytter i kommunane i Hordaland 2019 (jp 19/9396)

Epost frå Samnanger Turlag om dagsturhytte (jp 19/9397)

Epost frå Hordaland fylkeskommune med oppdatert informasjon (jp 19/9398)

Epost frå Hordaland fylkeskommune med oppdatert informasjon (jp 19/9490)

Sogn og fjordande fylkeskommune: <https://www.sfj.no/dagsturhyttejakt.6230313-337387.html>

### **Kva saka gjeld:**

Hordaland fylkeskommune (HFK) har invitert alle kommunar i Hordaland til å søkja om tilskot på kr 200 000 til Dagsturhytte. Dette er ei vidareføring av prosjektet som no er avslutta i Sogn og Fjordane, kor alle 26 kommunar har fått si eiga dagsturhytte på ulike turmål. Les gjerne meir om dette på <https://www.sfj.no/dagsturhytta.430892.nn.html>.

Det er usikkert korleis fylkeskommunalt tilskot til dagsturhytter vert vidareført i 2020. For å vere med i prosjektet frå 2019, og auka sjansen for tilskot på kr 200 000, treng dei ein søknad og eit politisk vedtak frå kommunen innan 15. desember. I epost mottatt 20.11.19 understrekar fylkeskommunen at det einaste kommunen må få på plass innan 15. desember er eit politisk vedtak som viser politisk forankring og vilje til gjennomføring. Dei andre oppgåvene kan me jobba vidare med neste år.

Det er lagt til grunn ein totalpris på kr 1 000 000. For å finansiera prosjektet har HFK lagt fram følgjande finansieringsmodell kor den faktiske kostnaden til kommunen om lag vil vera kr 100 000:

|                                     |              |                                          |
|-------------------------------------|--------------|------------------------------------------|
| Tilskot Hordaland fylkeskommune     | Kr 200 000   | Føreset politisk vedtak innan 15.12.19   |
| Sparebankstiftinga Sogn og fjordane | Kr 100 000   | Gåve                                     |
| Spelemidlar                         | Kr 333 000   | Søknad om spelemidlar i 2020             |
| Eigenel Samnanger kommune           | Kr 100 000   | Omlag faktiske kostnader etter mva. komp |
| Samnanger kommune                   | Kr 200 000   | Mva. kompensasjon                        |
| Samnanger kommune                   | Kr 67 000    | Dugnad/eigen innsats grunnarbeid         |
| Totalt kr                           | Kr 1 000 000 |                                          |

#### Vurderingar og konsekvensar:

Fylkestinget i Hordaland har løyvd midlar som skal nyttast til å sette i gang prosjekt med 10 hytter i 2019. I finansieringsmodellen ligg det eit fylkeskommunalt tilskot på kr 200 000 til kvar hytte, samt ei gåve frå Sparebankstiftinga Sogn og fjordane på kr 100 000. Hyttene kan også få tildelt spelemidlar på inntil 1/3 av kostnadane.

I den politiske saka vart det lagt til grunn ein totalpris på kr. 1.000.000,-. I utlysinga av anbod vil det settast eit tak på denne summen for hytte inkludert lys og varme. Prisen kan altså verta lågare, men vil ikkje overstige kr 1 000 000. Fylkeskommunen sørgjer for anbudsutlysing og innstilling av leverandør. Kvar kommune skal sjølve skrive avtale med leverandør etter mal gitt av fylkeskommunen.

#### Følgjande inngår i prosjektet 2019-2021:

- Prosjektet må planforankrast i kvar kommune for å kunne søkje om spelemidlar.
- Sanitæranlegg vert tilrådd knytt til dei hyttene der ein i samråd med kommunen ser det vil bli eit behov (det vert opsjon på sanitæranlegg, og pris vil koma snart).
- Det er ønskjeleg med eit bibliotek i hyttene og ein plan for ulike arrangement.
- Opparbeiding av turløyper til hyttene, og merking og gradering av desse må vere ein del av lokal prosjektplan.
- Det er ønskjeleg å knytte kulturminne til dagsturhyttene der det ligg til rette for dette.
- Det er ønskjeleg med brei medverknad i høve prosessane kring plassering, opparbeiding og drift.
- Nokre av hyttene bør vere universelt utforma.
- Plakettar med logo skal vere i følge mal utarbeidd av fylkeskommunen; vere smakfulle i storleik og ha med namn på kommunen, i tillegg til dei som er med å finansiere og ev. andre aktørar som medverkar til oppføringa.
- Hytta bør plasserast sentrumsnært, nær skule el.l. og med mogleg tilkomst via kollektivtilbod. Det bør vere maks 15 min. køyring frå sentrum.

Per i dag er det gjort vedtak om dagsturhytte i Os, Sveio og Bømlo. Vaksdal, Masfjorden, Stord og Kvinnherad er i gong.

Samnanger turlag er svært positiv til prosjektet og håpar at me kan få dette til i kommunen innan 2021.

Prosjektet er interessant ut frå fleire perspektiv. I eit folkehelseperspektiv vil dagsturhytta vera eit lågterskeltilbod for turgåarar. Hytta er eit mål i seg sjølv, kor ein kan eta matpakka si, få litt varme i seg og lesa bøker. Prosjektet kan óg sjåast i eit reiselivsperspektiv. I Sogn og Fjordane har dei til dømes lagt til rette for «dagsturhyttejakt» kor målet er å besøka flest mogleg hytter i fylket.





## **SAKSFRAMLEGG**

|                                         |                          |
|-----------------------------------------|--------------------------|
| <b>Sakshandsamar:</b> Kenth Paul Opheim | <b>Arkivkode:</b> FA-G21 |
| <b>Arkivsaksnr:</b> 19/171              | <b>Løpenr:</b> 19/6555   |
| <b>Sakstype:</b> Politisk sak           |                          |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Formannskapet                    | 14.11.2019      | 051/2019      |
| Kommunestyret                    | 05.12.2019      | 085/2019      |

## **Vurdering akuttberedskapen - First responder**

### **14.11.2019 Formannskapet:**

Handsaming i møtet:

Innleiingsvis presenterte Eystein J. Hauge frå Capitatum Health Partner AS rapporten som er utarbeidd om akutthjelparordninga (rapporten og tilleggsnotatet som låg som vedlegg i saka).

Knut Harald Frøland (Bl) sette fram følgjande endringsframlegg i forhold til rådmannen sitt framlegg:  
*"Den første setninga i det første kulepunktet i rådmannen sitt framlegg vert teke vekk".*

Øyvind Strømmen (MDG) påpeika at ordet "ikkje" bør takast vekk frå den siste setninga i rådmannen sitt framlegg, slik at innhaldet i setninga vert eintydig. Formannskapet sluttta seg til dette.

Øyvind Røen (Sp) sette fram følgjande endringsframlegg i forhold til rådmannen sitt framlegg:  
*"I den siste setninga skal følgjande leggjast til på slutten: når det er på plass gode alternative ordningar."*

Det vart først røysta punktvis over endringsframlegga frå Knut Harald Frøland og Øyvind Røen.

Endringsframlegget til Knut Harald Frøland vart vedteke med seks mot tre røyster.

Følgjande medlemmer røysta for Knut Harald Frøland sitt endringsframlegg:

- Gunn Totland Moss (KrF)
- Knut Harald Frøland (Bl)
- Martin Haugen (Bl)
- Lena Tveit (Bl)
- Odd Arne Haga (Frp)
- Øyvind Røen (Sp)

Følgjande medlemmer røysta imot Knut Harald Frøland sitt endringsframlegg:

- Jon Magne Borgevik (Ap)
- Shirin Kvernes Khadoor (Ap)

- Øyvind Strømmen (MDG)

Endringsframlegget til Øyvind Røen vart samrøystes vedteke.

Til slutt vart rådmannen sitt framlegg sett opp mot rådmannen sitt framlegg justert med dei vedtekne endringsframlegga. Rådmannen sitt framlegg justert med dei vedtekne endringsframlegga vart samrøystes vedteke.

#### **FORM- 051/2019 Vedtak:**

First responder tenesta i Samnanger kommune skal vidareførast.

- Kommunen bør reforhandla dei økonomiske vilkåra i samband med akuttberedskapen, og følgja opp helsedirektoratet sin intensjon med ordninga når forholda ligg til rette for dette.
- Løfteoppdrag og direkte oppdrag frå omsorgseininga bør verta unngått med mindre dei er knytte til akuttoppdrag, når det er på plass gode alternative ordningar.

#### **Rådmannen sitt framlegg til vedtak:**

First responder tenesta i Samnanger kommune vidareførast.

- Dei økonomiske vilkåra for tenesta bør verte vurdert kontinuerleg. Kommunen bør reforhandle dei økonomiske vilkåra i samband med akuttberedskapen, og følgje opp helsedirektoratet sin intensjon med ordninga når forholda ligg til rette for dette.
- Løfteoppdrag og direkte oppdrag frå omsorgseininga bør verte unngått med mindre dei ikkje er knytt til akuttoppdrag.

#### **Dokument som er vedlagt:**

Akutthjelperordningen i Samnanger kommune

Tilleggsnotat - Samnanger kommune - 230919 (L)(280703)

**Kva saka gjeld:** Behov og kostnad for akuttberedskapen – «First Responder-tenesta» i Samnanger kommune

**Bakgrunn for saka:** Samnanger kommune betaler for «first responder» teneste (FR) som ein del av den akuttmedisinske kjeden i kommunen. FR-tenesta er heimla i Akuttmedisin forskriften §5. Ordninga er eit supplement til den kommunale legevaktberedskapen og ambulansetenesta i området som Helse Bergen har ansvar for. Kommunestyret vedtok i budsjettet 2019 å vurdere Frist Responder-tenesta. For kommunen utgjør dette ei årleg kostnad på rundt 750.000 kroner.

Vi har engasjert Capitatum Health Partner AS (CHP) ved Eystein Hauge til å kome med ei vurdering av akuttberedskapen. Dei har vurdert behova for tenesta og dei økonomiske rammar for drift av tenesta (Vedlagt rapport og tilleggsrapport).

#### **Utdrag frå Rapporten:**

First Responder– tenesta (FR) har vore involvert i 172 oppdrag dei siste 3 åra, eller i snitt eitt oppdrag pr. veke.

Av desse er;

- 24 trafikkulukker
- 27 løfte/ bære oppdrag for heimetenesta (aukande)

For om FR var først fremme til pasienten er det eit usikkerheitsintervall mellom FR eigen statistikk og faktisk stadfesta tal hos AMK. Detaljer omkring dette kjem fram i tilleggssrapporten.

Legg vi til grunn 86 oppdrag over 3 år er korrigererte lønnsutgifter per uttrykking der FR er først fremme 24.644 2018-kroner, mens ved 103 oppdrag over tre år er lønnsutgifter per uttrykking 20.577 2018-kroner.

Vi ser og at ein del av oppdraga er direkteutkalling av FR frå omsorgseininga i samband med løfteoppdrag. Dette vert kostbare oppdrag og er oftast ikkje knytt til akuttbehov. Vi forventar at omsorgseininga sjølv utarbeidar rutine for å løyse desse.

Vi betalar for FR tenesta som ein del av den akuttmedisinske kjeden i kommunen. Ordninga er eit supplement til legevakttenesta og ambulansetenesta i området.

Hovuddelen av kostnadane er knytt til løn til mannskapa, som samstundes mottar godtgjersle for brannberedskap. I snitt har det vore 1 uttrykking pr. veke dei siste tre åra, og løn til mannskapa er over 700.000, samstundes som dei mottar løn frå brannberedskap.

For 2018 var totalkostnad for tenesta 743.270, kor 706,643 var kostnad til løn, medan resterande var til vedlikehald av bil, utstyr og drift.

#### **Vurderingar og konsekvensar:**

I Samnanger er det verken ambulansestasjon eller legevakt utanom vanleg arbeidstid. Det er krevjande for ambulansetenesta i andre kommunar å oppfylle krava til responstid i Samnanger. Utrykning med kommunal legevaktbil vil kunne nå dei sentrale delar av kommunen innan anbefalt responstid. Vi slutter til rapporten og tilrår at Samnanger kommune vidarefører ordninga med Firstresponster teneste.

Brannmannskap i beredskap som rykker ut på brannoppdrag eller FR-oppdrag må sjåast på som same beredskapsoppdrag. Oppdraget dei skal utføra skal vanlegvis ikkje ha noko å seia for kor dei får løn frå. Då FR vart innført var dei ikkje meininga at eit ekstra vaktlag skulle verte oppretta.

Kostnaden med til løn til mannskapa i Samnanger vert difor oppfatta som svært høge. Spesielt for Samnanger er at *brannmannskap* som er i beredskap og får løn for dette, og mottar ei godtgjersle frå FR – tenesta i same beredskapsvakt når dei rykker ut med FR – bilen.

Frå helsedirektoratet heiter det i «Nasjonal veileder for akutthjelp»;

*«Akutthjelpoordninga inneberer at man nyttar tilgjengeleg innsatspersonell frå andre nødetater og frivillige organisasjonar som allereie er i beredskap til å yte livreddende førstehjelp av god kvalitet.*

***Ved å benytte eksisterende ressurser vil merkostnadene ved en slik ordning være begrenset.»***

Etter møte med koordinator for brann og kommunelegen som er ansvarleg for akuttbereidskapen viser dei til at organisering og utbetaling av vaktordninga har ei historisk årsak. Vårt mannskap på FR er i stor grad utdanna helsepersonell, og har ein høgare kompetanse enn vanleg brannmannskap. Dette er forhandla fram då FR vart oppretta. Ein slik avtale vil vera mest sannsynleg å reforhandle fram ved rekruttering av nytt mannskap. Vi skal og gå gjennom fordelinga av lønn mellom FR og brann, og rette opp for utgifter knytt til brann men ført som utgift på FR.

**SAKSFRAMLEGG**

|                                  |                                  |
|----------------------------------|----------------------------------|
| <b>Sakshandsamar:</b> Nina Erdal | <b>Arkivkode:</b> FE-200, TI-&14 |
| <b>Arkivsaksnr:</b> 19/418       | <b>Løpenr:</b> 19/9571           |
| <b>Sakstype:</b> Politisk sak    |                                  |

**SAKSGANG**

|                                  |                 |               |
|----------------------------------|-----------------|---------------|
| <b>Styre, utval, komité m.m.</b> | <b>Møtedato</b> | <b>Saksnr</b> |
| Kommunestyret                    | 05.12.2019      | 086/2019      |

**Økonomirapportering pr november 2019****Rådmannen sitt framlegg til vedtak:**

Økonomirapportering vert tatt til etterretning og det vert gjennomført fylgjande budsjettjusteringar:

| <b>Driftsbudsjettet:</b>                       | <b>Utgift opp/ Inntekt ned</b>                | <b>Utgift ned/ Inntekt opp</b>                |
|------------------------------------------------|-----------------------------------------------|-----------------------------------------------|
| Inntektsutjamning og skatt                     |                                               | 200 000                                       |
| Redusere avdragsbetaling (minimumsavdrag)      |                                               | 190 000                                       |
| Havbruksfond                                   | 376 700                                       |                                               |
| Auka utbytte frå BIR                           |                                               | 132 000                                       |
| Premieavvik                                    | 1 000 000                                     |                                               |
| Innsparing pensjon                             |                                               | 1 290 700                                     |
| Eigedomsskatt Statnett                         | 970 000                                       |                                               |
| kalkulatoriske renter sjølvkost                |                                               | 100 000                                       |
| Endra finansiering barnevern, tilskot frå FM   |                                               | 1 204 000                                     |
| tilbakeført bruk av disp.fond                  | 1 204 000                                     |                                               |
| Rådmann og stab, overtid, konsulent mm         | 300 000                                       |                                               |
| Innsparing ansvar 2000                         |                                               | 120 000                                       |
| I-pad folkevalgte                              | 60 000                                        |                                               |
| Endra finansiering PC IKTN                     |                                               | 130 000                                       |
| Endra finansiering skulepc                     |                                               | 100 000                                       |
| Avsett til veglag Nyutlørtræ vert ført tilbake |                                               | 200 000                                       |
| Innsparing kultur                              |                                               | 50 000                                        |
| Arkivlokale og alarm                           | 20 000                                        |                                               |
| Meirforbruk beredskap                          | 440 000                                       |                                               |
| Innsparing på andre anavar på 41               |                                               | 290 000                                       |
| Barnehage                                      | 750 000                                       |                                               |
| Barneskule                                     | 800 000                                       |                                               |
| tapte inntekter barneskule                     | 190 000                                       |                                               |
| Redusert avsetning til disposisjonsfond        |                                               | 1 204 000                                     |
| Redusert avsetning til disposisjonsfond        |                                               | 900 000                                       |
| <b>Investeringsbudsjettet:</b>                 | <b>Utgift opp/ Inntekt (finansiering) ned</b> | <b>Utgift ned/ Inntekt (finansiering) opp</b> |
| BOF badevik Bjørkheim                          |                                               | 2 000 000                                     |
| Finansiering tilskot                           | 1 400 000                                     |                                               |
| Ubunde investeringsfond                        | 254 598                                       |                                               |

|                                    |                   |                   |
|------------------------------------|-------------------|-------------------|
| Sima-Samnangerfond                 | 345 402           |                   |
| Forseinka prosjekt VA Ytre Tysse   |                   | 4 000 000         |
| Finansiering ubrukke lånemidlar    | 4 000 000         |                   |
| Nordbygda høgdebasseng             |                   | 900 000           |
| Finansiering ubrukke lånemidlar    | 900 000           |                   |
| sal tomt Lønnebakken               |                   | 450 000           |
| Avsett til Næringsfond             | 450 000           |                   |
| Gangveg til Hagabotnane            |                   | 300 000           |
| Ubunde investeringsfond            | 300 000           |                   |
| Sikring bru Jarland                |                   | 350 000           |
| Ubunde investeringsfond            | 350 000           |                   |
| Ras- og flaumsikring - forseinka   |                   | 2 000 000         |
| Finansiering ubrukke lånemidlar    | 2 000 000         |                   |
| Visma prosjekt KS 9/2019 forseinka |                   | 800 000           |
| Ubunde investeringsfond            | 800 000           |                   |
| Endra finansiering frå drift (IKT) | 230 000           |                   |
| Ubunde investeringsfond (IKT)      | 0                 | 230 000           |
| Ipad folkevalde går ut             |                   | 154 000           |
| Ubunde investeringsfond            | 154 000           |                   |
| Tilskot til idrettshall            |                   | 2 000 000         |
| Ført som krav pr 31.12.18          | 152 500           |                   |
| Settes av til bunde fond           | 1 847 500         |                   |
|                                    |                   |                   |
| <b>Kontrollsum</b>                 | <b>17 294 700</b> | <b>17 294 700</b> |

#### Kva saka gjeld:

Det er tidlegare i år rapportert på den økonomiske situasjonen pr 1. og 2. tertial. Totalt sett vart det ikkje løyvd ekstra midlar til einingane, men det vart gjort nokre budsjettjusteringar mellom ansvarsområde og inntekter vart auka opp. 3 prosjekt i driftsbudsjettet fekk auka ramme: Fossen Bratte, kontrollutvalet og oppgradering av Agresso til UBW (økonomi og lønssystemet). Me såg i haust at det ville bli utfordringar med å klare budsjetttrammene og det vart innført innkjøpstopp som vil vare ut året. Til tross for innkjøpsstoppen er det einingar som av ulike årsakar ikkje vil klare rammene utan å få tilført ekstra midlar. Det er og område som har hatt noko innsparing, men ikkje nok til at dette totalt sett vil gå i balanse.

**Skatt- og rammeinntekter:** Totalt sett viser prognosen at kommunen vil få ei lita meirinntekt på ca kr 200 000. Dette skuldast i hovudsak at låg skatteinnangang vert kompensert med inntektsutjamning som resultat av at skattingangen i Samnanger er lågare enn i resten av landet. November er ein viktig skattemånad og dette resultatet får me først i desember.

**Eigedomsskatt:** Takstframlegg etter Statnett II dommen vart sendt til Statnett for kommentar i sommar og påminning er sendt i haust då me ikkje fekk tilbakemelding på taksten. Me har framleis ikkje høyrte noko. Forventa meirinntekt på kr 970 000 (for 2018 og 2019) vart lagt inn i budsjettet som forventa inntekt. Dialog med advokatselskapet Lund & Co gjer at me no meiner at dette nok var litt forhast. Manglande tilbakemelding frå Statnett bør ikkje oppfattast som aksept og forsiktighetsprinsippet gjer at me no tek vekk denne inntekta.

**Havbruksfondet:** Me hadde her budsjettert med kr 550 000 i inntekt og har mottatt kr 173 333. Det er framleis stor grad av usikkerheit knytt til utbetaling frå Havbruksfondet og me forventar at dette vil bli klarare når revidert statsbudsjett for 2020 blir lagt fram.

**Minimumsavdrag:** Nye berekningar viser at minimumsavdrag kan aukast frå kr 700 000 til kr 890 000

Kommunen får kvart år utbytte frå **BIR** og i 2019 har kommunen fått kr 299 000, budsjettert kr 168 000

**Premieavviket** er ei inntekt for kommunen og vil i 2019 bli om lag 1 millionar kroner lågare enn

forventa. Estimat på pensjonskostnad viser at kommunen og kan forvente innsparing på pensjonsutgift på om 1,3 millionar kroner.

Kommunen fekk i haust **ekstraløyving frå Fylkesmannen** til mellom anna barnevern. Det er tidlegare lagt inn finansiering her frå disposisjonsfondet som no kan endrast til tilskot frå staten, kr 1 204 000.

**Kalkulatoriske renter** på sjølvkost vert berekna for at sjølvkostområdet skal ta kostnad med finansiering av investeringar, uavhengig av finansieringsform. Motpost til kalkulatoriske renter vert ført som inntekt på ansvar 9003 og berekning viser at inntekta vil vere ca kr 100 000 høgare enn budsjettet.

**Endra finansiering i investering:** Det er kjøpt inn både skule-PC og andre datamaskiner som er ført i investeringsrekneskapen og som i utgangspunktet var tenkt finansiert med driftsmidlar. Utfordringar med driftsbudsjettet gjer at kommunen bør endra finansieringa til ubunde investeringsfond og på den måten frigje midlar i drift med kr 230 000. Noko av denne innsparinga vil gå til å finansiere innkjøp av Ipad til folkevalde med kr 60 000. Kostnad til dette var opphavleg estimert til å bli høgare og var finansiert i investering.

#### **Rådmann og stab:**

På grunn av stor arbeidsmengde har det vore nødvendig med både overtidsbruk og ekstratimar. Arbeidsmengenda gjer at det ikkje er mogeleg å ta dette ut i avspasering. Det har og vore høge utgifter til konsulent, mellom anna advokathjelp i samband med Statnett II-dommen. Totalt sett må dette ansvarsområdet få tilført kr 300 000 for å gå i balanse.

#### **Rådgjever:**

Innafor dette ansvarsområde ligg PPT, skule og barnehage administrasjon, politisk nivå og revisjon, IKT, arkiv og ekspedisjon. Det er meirforbruk på lønn totalt sett på dette ansvarsområde som er knytt til meirarbeid, overtid og utkjøp av timar. Det er og meirforbruk på møtegodtgjering og ordførargodtgjering i 2019. Det er innsparing på IKT området som gjer at eininga totalt sett har ei innsparing på kr 120 000.

#### **Samfunn og utvikling:**

Teknisk forvaltning. Ugifter til beredskap (brann, førstehjelpsbil mm) er estimert til å bli ca kr 440 000 meir enn i budsjett. Innsparing på andre område på teknisk forvaltning gjer at eininga totalt sett manglar kr 150 000 for å gå i balanse

Teknisk drift: I 2017 vart det sett av kr 200 000 til stifting av veglag Nyutløtrævegen. Når det no er bestemt av vegen skal vedlikehaldast av kommunen, vert denne løyvinga ført tilbake. Eininga har hatt utfordringar med å klare å ta ned reinhaldsbudsjettet som planlagt. Ny organisering og redusert stilling gjer at dette no begynner å kome på plass. Innkjøpsstoppen har gjort at det er fleire vedlikehaldsprosjekt som er utsett til etter nyttår. Totalt sett er budsjettet i balanse, men det er knytt noko usikkerheit til ein del av utgifter på slutten av året til mellom vintervedlikehald.

Arkivetverket har gitt pålegg om å installere brann og tjuverialarm i eit arkivlokale. Dette er kostnadsrekna til kr 20 000. Budsjetttrammene til teknisk drift er så stramme at det er nødvendig å løyve ekstra midlar til dette.

Kultur: Eininga vil få ei mindre innsparing knytt til innkjøpsstopp og krav dissentarar, estimert til kr 50 000.

#### **Oppvekst og omsorg:**

Barnehagen var pålagt ei innsparing i 2019 på kr 835 000. Pr 2.tertial vart budsjettet styrka med kr 500 000. Pr november ligg eininga an til meirforbruk på ca kr 750 000. Meirforbruket er knytt til løn.

Ungdomsskulen var pålagt ei innsparing i 2019 på kr 485 000. I tillegg vart budsjettet justert ned pr

2.terial med kr 150 000 då innkjøpsstoppen vart innført. Eininga har god kontroll på budsjettet og forventar å gå i balanse.

Barneskulen skulle i 2019 spare kr 980 000. Budsjettet vart pr 2.terial styrka med kr 350 000. Eininga har ikkje klart å finne gode innsparingsløyser og ligg no an til meirforbruk på kr 800 000 knytt til løn. Barneskulen har no fått avklart at dei ikkje vil få utbetalt forventa refusjon for vidareutdanning hausten 2019 på kr 190 000.

### **Helse og omsorg**

Helsetunet ligg an til å klare å halde budsjettet. Stilling for psykolog har stått vakant nokre månader og det vil bli gjennomført intervju no i november.

Sjukeheimen har hatt eit utfordrande år med høge utgifter til både overtidsbruk, som resultat av mangel på sjukepleiarar, og til ekstra lønsutgifter pga at det har vore nødvendig med fleire tilsette på jobb enn det det var budsjettet med. Sjukeheimen skulle i utgangspunktet spare inn kr 850 000 i 2019, men fekk i 2.terialrapport auka ramma med kr 590 000. Noko av meirforbruket er dekkja inn ved at dei har selt fleire plassar no i haust. Det er framleis 5 veker att av året. Budsjettamma er svært stram, men dei arbeider dagleg med å kutte kostnader. Det vert ikkje lagt inn auka ramme.

Heimetenester skulle i 2019 spare kr 1 050 000. Budsjettet vart og tatt ned ytterlegare med kr 120 000 i økonomirapportering for 2.terial. Dei har starta opp med prosjekt velferdsteknologi og fekk tilført ekstramidlar frå disposisjonsfondet til dette. Dei er ikkje kome heilt i gang og bruk av disposisjonsfond vert justert i samsvar med påløpt utgift.

Bufelleskap sin del av innsparinga i 2019 var på kr 550 000. Pr 2.terial var det klart at dette ikkje ville gå og eininga fekk tilført kr 200 000. Litt avhengig av kostnad med avlasting og tilskot til ressurskrevjande tenester så vil dei klare budsjettet.

NAV har tidlegare i år meldt om høge utgifter til økonomisk stønad. Prosjektet «snu i døra» har ført til at desse utgiftene er redusert og eininga ser no ut til å klare å halde budsjetttrammene sine.

### **Investeringar**

Det er fleire investeringsprosjekt som enten er forseinka eller som ikkje er starta opp i 2019 og som er ført opp att i budsett 2020. For at budsjettet for 2019 skal bli så rett som mogeleg vert budsjetttrammene tatt ned i samsvar med prognose for dei einskilde prosjekta. Skottabakken er forseinka og vil vere ferdig i mars 2020. I starten av prosjektet kom det større meirutgifter til grunn og grøftarbeid. Grunnen var dårleg, i tillegg låg ikkje leidningsnett der det var innteikna og det vil kome meirutgifter til BKK. Totalt vil meirutgiftene bli på om lag 4,5 millionar kroner. Det var i budsjettet lagt inn ein pott til uføresette utgifter, men ikkje nok til å ta heile denne meirkostnaden. Det har det siste året vore arbeidd med å klare å finne innsparing på andre områder, men me ser no at det ikkje vil vere realistisk. Det er framleis nokre delar av prosjektet som er uavklart, men mykje er det tatt høgde for i estimatet. Mest usikkerheit knytter det seg til faktura frå BKK og kostnad med løysing mot nabo. Totalt sett ser prosjektet ut til å gå mot eit meirforbruk på om lag 3 millionar kroner eks moms. Når kommunen vil få utgifter til mellom anna BKK er ikkje avklart og totalramma for 2019 vert derfor ikkje tatt ned.

Skifte av økonomi og lønssystem er starta opp, men det meste vil bli fakturert i 2020 og er lagt inn i neste års budsjett. Utgift og finansiering vert ført tilbake med kr 800 000.

Det er selt ein tomt på Lønnebakken til kr 450 000 som vert sett av på næringsfondet.

Det er som nemnt lagt inn endra finansiering av skule-pc og andre datamaskinar. Kr 230 000 vil bli finansiert med ubunde investeringsfond noko som vil frigje midlar i drift.

Innkjøp av Ipad til folkevalde var budsjettet med kr 154 000. Innkjøpet er redusert og vil bli flytta til

driftsbudsjettet.

Kommunen har i november 2019 fått utbetalt 2 millionar kroner frå fylkeskommunen til idrettshall/ fleirbrukshall. Det er i rekneskap for 2018 brukt kr 152 500 som er ført som krav. Kr 1 847 500 vert sett av til fond. Kommunen må betale tilbake heile løyvinga på 2 millionar kroner dersom idrettshall/ fleirbrukshall ikkje vert realisert innan 01.09.2023.

Oversikt over investeringsprosjekt som er forseinka, utsett eller går ut:

|                                      |                                                  |
|--------------------------------------|--------------------------------------------------|
| Bof badevik Bjørkheim                | Utsett til 2020                                  |
| VA Tysse                             | Starta opp i 2019, forventa ferdig i 2020        |
| Nordbygda høgdebassen                | Starta opp i 2019, forventa ferdig i 2020        |
| Gangveg til Hagabotnane              | Utsett til 2020                                  |
| Sikring bru på Jarland               | Starta opp i 2019, forventa ferdig våren 2020    |
| Skottabakken                         | Starta opp i 2018, forventa ferdig i mars 2020   |
| Flaum- og rassikring                 | Starta opp i 2019, forventa ferdig våren 2020    |
| Visma prosjekt økonomi og lønssystem | Starta opp i 2019, nytt system på plass mai 2020 |
| Ipad folkevalde                      | Kjøpet vert redusert og ført i drift.            |

Oversikt over nye investeringsprosjekt:

|                                         |                                                |
|-----------------------------------------|------------------------------------------------|
| Sal av tomt på Lønnebakken              | Vert sett av på næringsfondet                  |
| Tilskot til idrettshall/ fleirbrukshall | Vert sett av på fond                           |
| Skule PC og andre datamaskiner          | Endra finansiering til ubunde investeringsfond |

### Disposisjonsfondet

Me estimerte pr 2.tertial at disposisjonsfondet ville vere på om lag 10 millionar kroner ved utgangen av 2019. Utfordringar med driftsbudsjettet gjer at avsett til disposisjonsfondet må reduserast med kr 900 000. Dette kjem i tillegg til bruk av disposisjonsfond på 1,2 millionar kroner i 2.tertialrapport som vil bli endra frå å finansiere barnevern vil å finansiere meirforbruk og reduserte inntekter på andre områder. Dersom det er eit underskot i driftsrekneskapen pr 31.12.19 vil disposisjonsfondsavsetning bli redusert ytterlegare. Estimert disposisjonsfond pr 31.12.19 er 9,1 millionar kroner.

### Oppsummert:

Dei største utfordringar med avvik mot budsjettet har vore i einingane. Det vart lagt inn forventa innsparing på fleire av einingane, men dei fleste har hatt utfordringar med å klare å ta ned ramma. Ein del uføresette hendingar og utgifter har det vore i løpet av 2019 som kan forklare noko av dette, men me må og vurdere korleis me som organisasjon skal arbeide med å klare å ta ned budsjetttrammene på ein realistisk måte når me veit at ca 70 % av kostnadane er lønsutgifter.



## **SAKSFRAMLEGG**

|                                     |                          |
|-------------------------------------|--------------------------|
| <b>Sakshandsamar:</b> Jan Erik Boge | <b>Arkivkode:</b> FE-060 |
| <b>Arkivsaksnr:</b> 19/377          | <b>Løpenr:</b> 19/8777   |
| <b>Sakstype:</b> Politisk sak       |                          |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Formannskapet                    | 14.11.2019      | 049/2019      |
| Kommunestyret                    | 05.12.2019      | 087/2019      |

## **Digitale løysingar for folkevalde i Samnanger i valperioden 2019-2023**

### **14.11.2019 Formannskapet:**

Handsaming i møtet:

Etter den innleiande debatten sette rådmannen fram følgande framlegg til vedtak:

*"Samnanger kommune skal med verknad frå 2020 ta i bruk ACOS Møteportal som verktøy for dei folkevalde i kommunen. Dette vert finansiert med inntil 90 000 kroner frå disposisjonsfondet.*

*Kommunen skal frå 2020 gå vekk frå den noverande ordninga med kommunale e-postadresser for folkevalde.*

*Kommunen skal framleis ha ordning med kommunale nettbrett for dei folkevalde som ønskjer dette. Folkevalde som ikkje ønskjer kommunalt nettbrett, kan i staden få utbetalt ei godtgjersle for å halda seg med nettbrett/PC sjølv."*

Framlegget vart samrøystes vedteke.

### **FORM- 049/2019 Vedtak:**

Samnanger kommune skal med verknad frå 2020 ta i bruk ACOS Møteportal som verktøy for dei folkevalde i kommunen. Dette vert finansiert med inntil 90 000 kroner frå disposisjonsfondet.

Kommunen skal frå 2020 gå vekk frå den noverande ordninga med kommunale e-postadresser for folkevalde.

Kommunen skal framleis ha ordning med kommunale nettbrett for dei folkevalde som ønskjer dette. Folkevalde som ikkje ønskjer kommunalt nettbrett, kan i staden få utbetalt ei godtgjersle for å halda seg med nettbrett/PC sjølv.

### **Rådmannen sitt framlegg til vedtak:**

Saka vert lagt fram utan tilråding frå rådmannen.

**Dokument som er vedlagt:**

Kopi av politiske vedtak i perioden 2011 - 2019 om digitale løysingar for folkevalde

**Kva saka gjeld:**

Samnanger kommune har dei to siste valperiodane hatt ordning med digital utsending av innkallingar/sakspapir og møteprotokollar til kommunestyret, formannskapet og utvala.

Dei folkevalde har hatt kommunal iPad på utlån. Denne ordninga gjeld for medlemmer og 1. og 2. varamedlemmer til kommunestyret og kontrollutvalet.

ACOS Møteportal

Då ordninga med digital utsending av dokument og utlån av kommunale iPad'ar vart innført i 2012, vart det vurdert om kommunen skulle kjøpa inn løysinga ACOS Møteportal (Politikarportal). Dette er ei digital løysing/arbeidsplattform for folkevalde som leverandøren av kommunen sitt sakshandsamingssystem tilbyr. Samnanger valde då å ikkje kjøpa inn ACOS Møteportal, men i staden gå for ei meir «heimesnekra» løysing (Folkevaldportalen).

Løysinga som kommunen valde i 2011/2012 har fungert relativt bra, men dei fleste kommunar brukar i dag ACOS Møteportal eller tilsvarende løysing. Det bør no òg vurderast om Samnanger skal gå over til denne løysinga.

Det vil i formannskapsmøtet 14.11.2019 verta ein presentasjon av ACOS Møteportal. Der vil det også verta orientert om kostnader/pris.

Kommunale e-postadresser for folkevalde

IKT Nordhordland har gitt råd til administrasjonen om at me bør vurdere å gå vekk frå den noverande ordninga med kommunale e-postadresser for folkevalde i Samnanger. IKT Nordhordland si erfaring er at kommunar som brukar Møteportalen, i liten eller ingen grad har behov for kommunale e-postadresser for folkevalde. Det vil også vera lisenskostnader knytt til å ha kommunale e-postadresser. Eventuell nødvendig kommunikasjon på e-post med/mellom folkevalde kan kanskje gjerast ved å bruka private e-postadresser.

Administrasjonen ønskjer at spørsmålet om kommunale e-postadresser vert drøfta i formannskapet, etter presentasjonen av ACOS Møteportal.

Kommunale nettbrett for folkevalde

IKT Nordhordland har informert administrasjonen om at det er ulike ordningar for folkevalde i medlemskommunane deira. Moglege alternativ kan vera:

1. Den ordninga som Samnanger har i dag, der alle medlemmer og 1. og 2. varamedlemmer i kommunestyret og kontrollutvalet får utlevert kommunal iPad.
2. Ordning der dei folkevalde kan velja mellom å få utlevert kommunal iPad/nettbrett eller kommunal berbar PC.
3. Ordning der dei folkevalde ikkje får utlevert kommunal iPad/nettbrett eller kommunal PC, men i staden får utbetalt ei fast godtgjering som kompensasjon for bruk av privat nettbrett/berbar PC.

Administrasjonen ønskjer at dette temaet vert drøfta i formannskapet.

**Vurderingar og konsekvensar:**ACOS Møteportal

Administrasjonen si vurdering er at det truleg vil vera fornuftig å ta i bruk ACOS Møteportal for dei folkevalde i Samnanger, men me ønskjer å venta til etter demonstrasjonen 14.11.2019 med å konkludera om dette. Det vil vera relativt låge kostnader knytt til ACOS Møteportal.

Ei løysing med ACOS Møteportal vil truleg vera mindre arbeidskrevjande for administrasjonen enn den noverande løysinga vår. Den største innsparinga i arbeidstid vil vera at administrasjonen ikkje lenger vil laga ei samla møteinnkalling med vedlegg og bokmerke, noko som krev mykje tid i dag. I Møteportalen kan dei folkevalde enten opna eitt og eitt saksframlegg/vedlegg, eller opna heile møteinnkallinga utan vedlegg. Møteportalen vil òg gje ein del nye moglegheiter:

- Saker som er unnatekne frå offentleg innsyn vil kunne leggjast ut i Møteportalen. Berre folkevalde i det aktuelle utvalet/organet vil få tilgang til saka.
- Folkevalde kan skriva og senda framlegg til vedtak i Møteportalen.
- Folkevalde vil få god oversikt over «sine utval» og «sine møte» i Møteportalen.

Møteportalen krev innlogging, både heime og i møte. Dei fleste kommunar brukar MinID til innlogging, fordi dette er ei løysing som vert tilbydd gratis av Difi (Direktoratet for forvaltning og IKT).

Meir informasjon om Møteportalen kan ein finna på ACOS sine nettsider, sjå <https://www.acos.no/dokumenthandtering/moteportalen/>. Der kan ein også testa portalen.

#### Kommunale e-postadresser for folkevalde

Administrasjonen ønskjer å venta til etter presentasjonen av ACOS Møteportal 14.11.2019 før me gir tilråding om eventuell endring av noverande ordning med kommunale e-postadresser for folkevalde.

#### Kommunale nettbrett for folkevalde, eller andre ordningar?

Administrasjonen si vurdering er at kommunen ikkje bør innføra ordning der dei folkevalde kan velja mellom å få utlevert kommunal iPad eller kommunal berbar PC. Både prismessig og vedlikeholdsmessig vil det truleg vera ein fordel med iPad i forhold til berbar PC. Det finst sjølvsagt òg fordelar med PC i forhold til nettbrett, for eksempel kan det vera enklare å skriva framlegg til vedtak på PC enn på nettbrett.

Administrasjonen er i utgangspunktet positiv til ei ordning der folkevalde kan velja mellom å få utlevert kommunal iPad eller å få utbetalt ei fast godtgjersle for bruk av privat nettbrett/berbar PC. Prisen kommunen betalar for ein iPad inkludert nødvendig programvare og deksel er om lag 3 300 kroner. Dersom ein tek utgangspunkt i denne summen og i staden utbetalar tilsvarande sum i godtgjersle i løpet av valperioden på fire år (48 månader), vil det verta ei månadleg godtgjersle på i underkant av 70 kroner (om lag 825 kroner pr. år). Kommunen vil òg måtte betala arbeidsgjevaravgift (14,1 prosent) av ei slik godtgjersle. Det er i rådmannen sitt budsjettframlegg for 2020 ikkje lagt inn midlar til slik godtgjersle til folkevalde.

Dersom kommunen skal halda fram med den noverande ordninga med utlevering av kommunal iPad, må det kjøpast inn om lag 25 nye iPad'ar før nyttår, til dei folkevalde som ikkje hadde kommunal iPad i valperioden 2015-2019. Dersom det òg skal kjøpast nye iPad'ar til dei folkevalde som allereie har kommunal iPad, må det kjøpast inn om lag 45 stykk til saman. Det er sett av midlar til dette i budsjettet for 2019.

#### Tilråding frå rådmannen

Saka vert i første omgang lagt fram utan tilråding frå rådmannen. Det vil eventuelt verta lagt fram tilråding frå rådmannen i formannskapsmøtet 14.11.2019.



## **SAKSFRAMLEGG**

|                                       |                          |
|---------------------------------------|--------------------------|
| <b>Sakshandsamar:</b> Marianne Soleng | <b>Arkivkode:</b> FE-033 |
| <b>Arkivsaksnr:</b> 19/804            | <b>Løpenr:</b> 19/9520   |
| <b>Sakstype:</b> Politisk sak         |                          |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Kommunestyret                    | 05.12.2019      | 088/2019      |

## **Val av eldreråd 2019 - 2023**

**Arbeidsutvalet for val av ymse nemnder, råd og utval m.m. sitt framlegg til vedtak:**

Eldrerådet 2019-2023:

|                                               |                                                                  |
|-----------------------------------------------|------------------------------------------------------------------|
| Medlemmar:<br>Eva Hellevang                   | Personlege varamedlemmar:<br>Björg Solvang (Pensjonistforbundet) |
| Svein Verner Røseth<br>Solveig Vassenden (Bl) | Inger Karin Totland (Fagforbundet)<br>Gunnar Bruvik              |
| Solveig Sjørusen<br>(Pensjonistforbundet)     | Karin Børdal Tveit<br>(Pensjonistforbundet)                      |
| Terje Totland                                 | Ole Totland                                                      |

### **Dokument som er vedlagt:**

Forskrift om kommunale og fylkeskommunale råd for eldre, personar med funksjonsnedsettelse og ungdom

Lov om kommuner og fylkeskommuner (kommuneloven) §5-12

Regjeringa sin veileidar for val av eldreråd

Annonse på kommunen sitt Kommunetorg i Samningen 07.11.2019

Forslag frå Fagforbundet til eldrerådet

Vedk. val av eldreråd 2019-2023

### **Kva saka gjeld:**

Kommunestyret skal før årsskiftet velja medlemmer i eldrerådet for kommunestyreperioden 2019-2023. Det er også kommunestyret som skal avgjera samansetninga av rådet og kor mange medlemmer rådet skal ha.

I kommunestyremøtet 24.10.2019 gjorde kommunestyret følgjande vedtak:

### **KS- 065/2019 Vedtak:**

*Eldrerådet i Samnanger i valperioden 2019-2023 skal ha fem medlemmer. Minst ein av desse skal vera kommunestyremedlem.*

*Val av medlemmer til eldrerådet skal gjerast av kommunestyret 05.12.2019.*

*Invitasjon til organisasjonar som representerer eldre om å koma med forslag til medlemmer i eldrerådet, skal gjerast ved kunngjering i lokalavisa Samningen og på kommunen si heimeside.*

Krav til val av medlemmar i eldrerådet:

- Kvart kjønn må vera representert med minst 40% dersom rådet har fleire enn fire medlemmar.

I noverande kommunestyreperiode, som i tidlegare periodar, er det vedteke at det skal vera 5 medlemmar og 5 varamedlemmar i eldrerådet i Samnanger.

Kommuneloven set inga grense for kor mange periodar ein person kan sitja som medlem i eldreråd.

- Medlemmane treng ikkje vera folkeregistrerte i Samnanger kommune eller i Vestland/Hordaland fylke. Valbarheitskrava i kommuneloven gjeld difor ikkje for val av eldreråd.

I Samnanger har det likevel vore tradisjon for å velja «samningar» som medlemmar og varamedlemmar i eldrerådet.

- Fleirtalet av medlemmane i eldrerådet skal ha fylt 60 år på det tidspunktet eldrerådet skal veljast.
- Jf. vedtak i kommunestyret 24.10.2019 sak 065/19: Minst ein av medlemmane i eldrerådet skal vera kommunestyremedlem.

I Samningen 07.11.2019 vart det sett inn annonse i «Kommunetorget» med invitasjon til organisasjonar om å koma med forslag til medlemmar i eldrerådet. Det kom inn to forslag, frå Samnanger Pensjonistlag og frå Fagforbundet. Begge forslaga er gjort kjende for arbeidsutvalet for val av ymse nemnder, råd, utval m.m.

Kommunelova sitt krav (§7-2) om skriftleg førehandssamtykke gjeld ikkje ved val av eldreråd.

Rådet vel sjølv leiar og nestleiar.



## **SAKSFRAMLEGG**

|                                       |                          |
|---------------------------------------|--------------------------|
| <b>Sakshandsamar:</b> Marianne Soleng | <b>Arkivkode:</b> FE-033 |
| <b>Arkivsaksnr:</b> 19/804            | <b>Løpenr:</b> 19/9634   |
| <b>Sakstype:</b> Politisk sak         |                          |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Kommunestyret                    | 05.12.2019      | 089/2019      |

## **Val av råd for personar med nedsett funksjonsevne 2019-2023**

### **Arbeidsutvalet sitt framlegg til vedtak:**

Rådet for personar med nedsett funksjonsevne 2019-2023:

| <b>Medlemmar:</b> | <b>Varamedlemmar:</b> |
|-------------------|-----------------------|
| Gunnar Utskot     | Kristin Solvåg        |
| Monica Tjønna     | Martin Haugen         |
| Henrik Røen       | Miriam Hisdal         |

### **Dokument som er vedlagt:**

Forskrift om kommunale og fylkeskommunale råd for eldre, personar med funksjonsnedsettelse og ungdom

Annonse på kommunen sitt Kommunetorg i Samningen 07.11.2019 - FUNK

### **Dokument som ikkje er vedlagt:**

Bufdir sin veileder for rådene for personer med funksjonsnedsettelse:

[https://bufdir.no/Nedsatt\\_funksjonsevne/rad/](https://bufdir.no/Nedsatt_funksjonsevne/rad/)

Kommuneloven

### **Kva saka gjeld:**

Alle kommunar skal opprette råd for personar med nedsett funksjonsevne. Dette kravet følgjer av ny kommunelov som tredd i kraft ved oppstarten av valperioden 2019-2023.

I forskrift om kommunale og fylkeskommunale råd for eldre, personer med funksjonsnedsettelse og ungdom §3 står det at kommunestyret vedtar samansettinga av rådet for personar med nedsett funksjonsevne. Det er også kommunestyret som vedtek kor mange medlemmar og varamedlemmar rådet skal ha.

Rådet vel sjølv leiar og nestleiar.

Krav til val av medlemmar og varamedlemmar i råd for personar med nedsett funksjonsevne:

- Dersom rådet har opptil tre medlemmar, er det krav til at begge kjønn er representert. Dersom rådet har fire eller fleire medlemmar må kvart kjønn vera representert med minst 40% jf. kommunelova §7-6 og §7-7.

I Samnanger kommune har det vore vanleg at rådet for personar med nedsett funksjonsevne har bestått av tre medlemmar.

- Både personar med nedsett funksjonsevne og andre f.eks pårørende kan vera medlemmar i rådet.
- Det er ikkje krav til at medlemmar må ha stemmerett for å sitja i rådet.
- Det er ikkje krav om at medlemmar må vera folkeregistert i kommunen for å vera medlemmar i rådet jf. kommuneloven §7-2.
- Kommuneloven sitt krav (§7-2) om skriftleg førehandssamtykke gjeld ikkje ved val av råd for personar med nedsett funksjonsevne 2019-2023.

Det er ingen grenser i kommuneloven for kor mange gongar eit medlem kan veljast.

Arbeidsutvalet for val av ymse nemnder, råd og utval set fram forslag om at rådet skal ha tre medlemmar og tre varamedlemmar i kommunestyreperioden 2019-2023:

| Medlemmar:    | Varamedlemmar: |
|---------------|----------------|
| Gunnar Utskot | Kristin Solvåg |
| Monica Tjønna | Martin Haugen  |
| Henrik Røen   | Miriam Hisdal  |

I Samningen 07.11.2019 vart det sett inn annonse i «Kommunetorget» med invitasjon til organisasjonar om å koma med forslag til medlemmar i rådet for personar med nedsett funksjonevne 2019-2023. Arbeidsutvalet/ administrasjonen har ikkje motteke nokon forslag.



## **SAKSFRAMLEGG**

|                                       |                          |
|---------------------------------------|--------------------------|
| <b>Sakshandsamar:</b> Marianne Soleng | <b>Arkivkode:</b> FE-033 |
| <b>Arkivsaksnr:</b> 19/804            | <b>Løpenr:</b> 19/9637   |
| <b>Sakstype:</b> Politisk sak         |                          |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Kommunestyret                    | 05.12.2019      | 090/2019      |

## **Val av sakkunnig nemnd for eigedomsskatt og klagenemnd for eigedomsskatt 2019-2023**

### **Arbeidsutvalet sitt framlegg til vedtak:**

Eigedomsskatt – klagenemnd 2019-2023:

| <b>Medlemmar:</b>       | <b>Varamedlemmar i rekkjefølgje:</b> |
|-------------------------|--------------------------------------|
| Elin Gjerde (leiar)     | Frode Odland                         |
| Harald Boge (nestleiar) | Knut Haga                            |
| Martha K. Nymark        | Gisle G. Øye                         |
| Bjørn Sævild            |                                      |
| Stein Odvar Kleppe      |                                      |

Eigedomsskatt – sakkunnig nemnd 2019-2023:

| <b>Medlemmar:</b>              | <b>Varamedlemmar i rekkjefølgje:</b> |
|--------------------------------|--------------------------------------|
| Ove Sandvik (leiar)            | Ole Totland                          |
| Kjell Roar Nordvik (nestleiar) | Jorunn Mo Nilsen                     |
| Hjørdis Klyve Thieme           | Magnus Erdal                         |

### **Dokument som er vedlagt:**

Eigedomsskattevedtekter gjeldande frå 01.01.2019

### **Dokument som ikkje er vedlagt:**

**Kva saka gjeld:**

I medhald av eigedomsskattelova §8A-3 (4) vel kommunestyret ei sakkunnig nemnd til å verdsetja eigedommar i Samnanger kommune. Nemnda skal vera sett saman av tre medlemmar (leiar, nestleiar og medlem) og tre varamedlemmar, jf. kommunen sine eigedomsskattevedtekter.

I medhald av eigedomsskattelova §§19 og 20 vel kommunestyret ei felles klagenemnd til å handsama klager på sakkunnig nemnd sine takstvedtak og klager på eigedomsskattekontoret sine utskrivingsvedtak. Nemnda skal vera sett saman av fem medlemmar ( leiar, nestleiar og tre medlemmar) og tre varamedlemmar, jf. kommunen sine eigedomsskattevedtekter.

Personar som er pliktige til å ta imot val til kommunestyret, er også valbare og pliktige til å ta imot val til takstnemndene. Denne regelen gjeld ikkje for faste medlemmar av formannskapet jf. eigedomsskattelova §21.

Arbeidet takstnemndene skal gjera er omfattande og krevjande, og medlemmane i nemndene treng mykje kursing for å gjera ein god jobb. Det er difor eit ønskje frå eigedomsskattekontoret (økonomikontoret) at personane som set i nemndene i perioden 2015-2019 held fram også i valperioden 2019-2023. Spesielt gjeld dette personane som alt har tatt kursa.

Arbeidsutvalet har tatt dette ønsket til etterretning i sitt framlegg til val av medlemmar og varamedlemmar i nemndene.



## **SAKSFRAMLEGG**

|                                       |                          |
|---------------------------------------|--------------------------|
| <b>Sakshandsamar:</b> Marianne Soleng | <b>Arkivkode:</b> FE-033 |
| <b>Arkivsaksnr:</b> 19/804            | <b>Løpenr:</b> 19/9704   |
| <b>Sakstype:</b> Politisk sak         |                          |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Kommunestyret                    | 05.12.2019      | 091/2019      |

## **Nedlegging av klagenemnd/ klageutval på politiske vedtak og takstutval for jordbruks-, skogbruks- og andre eigedomar**

### **Arbeidsutvalet sitt framlegg til vedtak:**

Klagenemnd/ klageutval på politiske vedtak og takstutval for jordbruk-, skogbruks- og andre eigedomar vert lagt frå og med 01.01.2020.

Som følge av at klagenemnda/ klageutvalet vert lagt ned, vert formannskapet ny klageinstans for enkeltvedtak etter forvaltningslova § 28, andre avsnitt, første setning.

Desse endringane må innarbeidast i kommunen sitt delegeringsreglement. Rådmannen får fullmakt til å gjera dette.

### **Kva saka gjeld:**

#### Takstutval for jordbruks-, skogbruks- og andre eigedommar

Arbeidsutvalet hadde lite informasjon om kva dette utvalet har arbeida med, så administrasjonen fekk i oppdrag om å undersøke dette.

Administrasjonen tok kontakt med landbruksdirektør Christian Rekkedal hos Fylkesmannen i Vestland for å få meir informasjon. Det viste seg at dette utvalet hadde ikkje landbruksdirektøren heller høyrte om, og han måtte undersøkje litt før han kunne svara på spørsmål.

Det viser seg at utvalet i hovudsak arbeidde med kommunen sin forkjopsrett på landbrukseigedomar og at regelverket om konsesjon og forkjopsrett for det offentlege ved erverv av fast eigedom vart oppheva i 2001.

Landbruksdirektøren meinte difor at kommunen ikkje har behov for å ha eit slikt utval lenger.

I landbruksdepartementet sitt rundskriv M-4/4001 frå mai 2001 kan ein lesa om denne lovendringa.  
Link:[https://www.regjeringen.no/globalassets/upload/lmd/vedlegg/regelverk/rundskriv\\_m\\_4\\_2001](https://www.regjeringen.no/globalassets/upload/lmd/vedlegg/regelverk/rundskriv_m_4_2001)

Klagenemnda på politiske vedtak

Det har ikkje vore aktivitet i nemnda/ utvalet på lang tid. Arbeidsutvalet kjem difor med forslag om å leggja ned klagenemnda/ klageutvalet. Dersom nemnda/ utvalet skal leggjast ned vil det vera naturleg at formannskapet overtek som kommunen sin klageinstans. Det må gjerast endringar i kommunen sitt delegeringsreglement dersom dette vert tilfelle.

Link: (<https://www.samnanger.kommune.no/Handlers/fh.ashx?MId1=67&FilId=1017>).

Klageutvalet har der (i pkt. 12) fått mynde til å handsama klager på enkeltvedtak, jf.forvaltningslova §28.

I «veiledning om intern klage i kommuner og fylkeskommuner» på regjeringen.no kan ein lesa meir om reglane for klager på enkeltvedtak (eit vedtak som gjeld rettigheitar eller pliktar for ein eller fleire bestemte personar) gjort administrativt eller politisk i ein kommune.

Link: <https://www.regjeringen.no/no/dokumenter/rundskriv-h-1294/id272435/>

Kommunen er ikkje klageinstans i alle saker. Gjeld klagen til dømes sosiale tenester, spesialundervisning, byggjesaker eller reguleringsplanar, er fylkesmannen klageinstans.



## **SAKSFRAMLEGG**

|                                     |                          |
|-------------------------------------|--------------------------|
| <b>Sakshandsamar:</b> Jan Erik Boge | <b>Arkivkode:</b> FE-033 |
| <b>Arkivsaksnr:</b> 19/804          | <b>Løpenr:</b> 19/9715   |
| <b>Sakstype:</b> Politisk sak       |                          |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Kommunestyret                    | 05.12.2019      | 092/2019      |

## **Suppleringsval varamedlemsliste kontrollutvalet 2019-2023**

### **Rådmannen sitt framlegg til vedtak:**

Oppgjeret for valet av kontrollutval 2019-2023 (kommunestyresak 061/2019) vert justert som følgjer:

- Den noverande femte varamedlemmen til grupperinga Bygdalista, Framstegspartiet, Senterpartiet og Kristeleg folkeparti, Dag Nydal (Bl) går ut. Den noverande sjette varamedlemmen, Helene Mjelde Foss (Bl), rykkjer opp til femte varamedlem.

Vedtaket er gjort med heimel i reglane om kjønnsbalanse/kjønnsrepresentasjon i § 7-6 i kommunelova.

### **Dokument som ikkje er vedlagt:**

Kommunelova (<https://lovdata.no/dokument/NL/lov/2018-06-22-83>)

### **Kva saka gjeld:**

Kommunestyret valde 24.10.2019 (sak 061/2019) medlemmer og varamedlemmer til kontrollutvalet for valperioden 2019-2023. Valet vart gjennomført som forholdsval etter reglane i §§ 7-5 og 7-6 i kommunelova. Det vart sett fram to listeframlegg:

1. Listeframlegg frå Arbeiderpartiet, Høgre og Miljøpartiet dei Grøne
2. Listeframlegg frå Bygdalista, Framstegspartiet, Senterpartiet og Kristeleg folkeparti

Resultatet av valet vart som følgjer:

| Faste medlemmer                                                                                                                                                                                    | Varamedlemmer i rekkefølge                                                                                                                     |
|----------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------|
| <b>Arbeiderpartiet, Høgre og Miljøpartiet<br/>Dei Grøne:</b><br>Arild Røen (H)                                                                                                                     | Liv Berit Kvernes Befring (Ap)<br>Marijke Strømmen (MDG)<br>Kjell Roar Nordvik (H)                                                             |
| <b>Bygdalista, Framstegspartiet,<br/>Senterpartiet og Kristeleg folkeparti:</b><br>Terje Hoseth Næss (KrF)<br>Silvana Amaral Da Silva (Bl)<br>Anne Gerd Tandstad (Sp)<br>Svein Verner Røseth (Frp) | Anette Espelid (Bl)<br>Audun Johannes Yndestad (Frp)<br>Arne Jørgensen (Sp)<br>Bjarne Hauge (KrF)<br>Dag Nydal (Bl)<br>Helene Mjelde Foss (Bl) |

Det har i etterkant av valet kome opp spørsmål om varamedlemslista til grupperinga Bygdalista, Framstegspartiet, Senterpartiet og Kristeleg folkeparti er i samsvar med kommunelova sitt krav om kjønnsrepresentasjon (kjønnsbalanse). Nedanfor følgjer ein gjennomgang av reglar i kommunelova, samt ei drøfting av saka.

#### Reglar i kommunelova:

§ 7-6 i kommunelova inneheld reglar om kjønnsrepresentasjon ved forholdsval. Nedanfor følgjer avskrift av denne paragrafen:

##### **§ 7-6. Valgoppgjør ved forholdsvalg**

Ved valgoppgjøret fordeles organets medlemsplasser på de ulike listene etter hvor mange stemmesedler hver liste har fått, ved bruk av delingstall 1, 2, 3, 4 osv. Hvis flere lister har samme kvotient, tilfaller plassen den av listene som har fått flest stemmer. Har listene fått like mange stemmer, avgjøres valget ved loddtrekning.

Når det er avgjort hvor mange medlemsplasser en liste vil få, pekes medlemmene fra den enkelte listen ut i den rekkefølgen de står oppført på det innleverte listeforslaget.

Hvis en liste får minst fire medlemmer i organet, skal hvert kjønn være representert med minst 40 prosent fra listen. Får listen tre eller færre medlemmer i organet, skal begge kjønn være representert fra listen. Viser det seg at utpekingen etter andre ledd vil føre til at kravene i første eller andre punktum ikke blir oppfylt, skal kandidater fra det underrepresenterte kjønn rykke opp på listen inntil kravet er oppfylt.

Ved valg til folkevalgte organer som etter lov bare skal bestå av medlemmer av kommunestyret eller fylkestinget, og ved valg av arbeidsutvalg for folkevalgte organer, skal reglene i tredje ledd følges så langt det er mulig.

Hver liste skal tildeles varamedlemmer. Så langt det er mulig, skal det være to flere varamedlemmer enn faste medlemmer. Varamedlemsplassene fordeles i samsvar med andre og tredje ledd.

Det går fram av § 7-6 at dersom ei liste får minst fire medlemmer i organet, skal kvart kjønn vera representert med minst 40 prosent på lista, og at denne regelen òg gjeld for varamedlemsplassar.

Det går òg fram av § 7-6 at kvar liste skal tildelast varamedlemmer, og at så langt det er mogleg skal det vera to fleire varamedlemmer enn faste medlemmer.

Grupperinga Bygdalista, Framstegspartiet, Senterpartiet og Kristeleg folkeparti sette i kommunestyret 24.10.2019 fram eit listeframlegg med ti kandidatar (seks menn og fire kvinner). Listeframlegget var i samsvar med reglane/krava i kommunelova. Grupperinga fekk valt inn alle ti kandidatane; fire som faste medlemmer og seks som varamedlemmer. Dei fire faste medlemmene er to menn og to kvinner. Varamedlemmene er fire menn og to kvinner. Fordelinga av varamedlemsplassane er derfor ikkje i samsvar med kravet om at kvart kjønn skal vera representert med minst 40 prosent.

Administrasjonen har vore i kontakt med Fylkesmannen i Vestland v/Hugo Morken om saka. Han har rådd til at varamedlemslista til grupperinga Bygdalista, Framstegspartiet, Senterpartiet og Kristeleg

folkeparti vert justert av kommunestyret, slik at den oppfyller kravet om kjønnsrepresentasjon. Det er vanskeleg å lesa ut av kommunelova nøyaktig korleis ei slik justering skal gjennomførast, og fylkesmannen har heller ikkje kome med noko klar tilråding om dette.

Den enklaste måten å gjera ei slik justering på, vil truleg vera å gjennomføra eit «suppleringsval», der valoppgjeret vert endra ved at den noverande femte varamedlemmen til grupperinga Bygdalista, Framstegspartiet, Senterpartiet og Kristeleg folkeparti går ut. Varamedlemslista vil då bestå av tre menn og to kvinner, og vera i samsvar med kravet om kjønnsrepresentasjon. Det kan etter dette eventuelt også gjennomførast eit suppleringsval av ein ny kvinneleg varamedlem (som då vil verta ny sjette varamedlem).

Eit alternativ til forslaget i avsnittet ovanfor kunne vore å velja ein sjuande varamedlem (ei kvinne), men då ville talet på varamedlemmer vorte høgare enn det kommunelova opnar for (kommunelova opnar for to fleire varamedlemmer enn faste medlemmer).

Reglar om suppleringsval står i § 7-10 i kommunelova. I utgangspunktet gjeld desse reglane berre i situasjonar der talet på varamedlemmer er/har vorte for lågt. Ved suppleringsval er det grupperinga sjølv som kan forslå kven som skal veljast som ny varamedlem. Jf. § 7-2 i kommunelova må det innhentast skriftleg førehandssamtykke frå den som vert foreslått/skal veljast. Samtykket må innhentast av gruppa (grupperinga) sjølv.

For å vera valbar til kontrollutvalet, må følgjande vilkår vera oppfylt, jf. reglar i kommunelova § 7-2:

En person er valgbar og plikter å ta imot valg hvis følgende vilkår er oppfylt:

- a) Han eller hun har stemmerett ved kommunestyre- og fylkestingsvalg.
- b) Han eller hun er innført i folkeregisteret som bosatt i kommunen eller i en av kommunene i fylket på tidspunktet for det aktuelle valget.
- c) Han eller hun har skriftlig samtykket til å stille til valg.

Utelukka frå val til kommunale utval m.m. er, jf. reglar i kommunelova § 7-3:

Utelukket fra valg til organer nevnt i § 7-2 er

- a) fylkesmannen og assisterende fylkesmann
- b) kommunedirektøren i kommunen eller fylkeskommunen og hans eller hennes stedfortreder
- c) kommunalsjefer, etatssjefer og ledere på tilsvarende nivå
- d) sekretærer for kommunestyret eller fylkestinget
- e) den som har ansvaret for regnskapsfunksjonen i kommunen eller fylkeskommunen
- f) de som foretar revisjon av kommunen eller fylkeskommunen
- g) ansatte i sekretariatet som utfører tjenester for kontrollutvalget i kommunen eller fylkeskommunen
- h) ansatte i sekretariatet til kommunerådet eller fylkesrådet som har fått delegert myndighet fra rådet.

I tillegg er følgjande personar utelukka frå val til kontrollutvalet er, jf. reglar i kommunelova § 23-1:

Utelukket fra valg er

- a) ordfører og varaordfører
- b) medlemmer og varamedlemmer av formannskap eller fylkesutvalg
- c) medlemmer og varamedlemmer av folkevalgt organ med beslutningsmyndighet. Medlemmer og varamedlemmer av kommunestyret eller fylkestinget er likevel valgbare
- d) medlemmer av kommuneråd eller fylkesråd
- e) medlemmer og varamedlemmer av kommunestyrekomité eller fylkestingskomité
- f) ansatte i den aktuelle kommunen eller fylkeskommunen
- g) personer som har en ledende stilling, eller som er medlem eller varamedlem av styret eller bedriftsforsamlingen, i et selskap som kommunen eller fylkeskommunen har eierinteresser i
- h) personer som har en ledende stilling, eller som er medlem eller varamedlem av styret i et interkommunalt politisk råd eller et kommunalt oppgavefelleskap.

**Vurderingar og konsekvensar:**

I samtale med fylkesmannen v/Hugo Morken har administrasjonen ikke fått tilråding om at det vil vera nødvendig å gjennomføra valet av kontrollutval 2019-2023 på nytt. Det administrasjonen har fått tilråding om, er at varamedlemslista til grupperinga Bygdalista, Framstegspartiet, Senterpartiet og Kristeleg folkeparti bør endrast slik at den vert i samsvar med kravet i kommunelova § 7-6 om kjønnsrepresentasjon.

Administrasjonen rår til at kommunestyret gjer vedtak om at valoppgjeret for kontrollutvalet vert justert, slik at kravet i kommunelova § 7-6 om kjønnsrepresentasjon vert oppfylt. Justeringa bør vera at den noverande femte varamedlemmen til grupperinga Bygdalista, Framstegspartiet, Senterpartiet og Kristeleg folkeparti går ut, og at den noverande sjetten varamedlemmen rykkjer opp til femteplass.

Dersom kommunestyret gjer vedtak om at valoppgjeret vert endra i samsvar med avsnittet ovanfor, kan det eventuelt også gjennomførast suppleringsval av ein ny kvinneleg varamedlem til kontrollutvalet. Valet må i så fall gjennomførast i samsvar med kommunelova sine reglar om suppleringsval. Administrasjonen har ikkje noko bestemt oppfatning av om det bør gjennomførast slikt suppleringsval. Dersom det er grunn til å tru at det kan vera nødvendig å ha så mange som seks varamedlemmer frå grupperinga Bygdalista, Framstegspartiet, Senterpartiet og Kristeleg folkeparti, bør det truleg gjennomførast suppleringsval.



## **SAKSFRAMLEGG**

|                                       |                          |
|---------------------------------------|--------------------------|
| <b>Sakshandsamar:</b> Marianne Soleng | <b>Arkivkode:</b> FE-033 |
| <b>Arkivsaksnr:</b> 19/804            | <b>Løpenr:</b> 19/9638   |
| <b>Sakstype:</b> Politisk sak         |                          |

### **SAKSGANG**

|                                  |                 |               |
|----------------------------------|-----------------|---------------|
| <b>Styre, utval, komité m.m.</b> | <b>Møtedato</b> | <b>Saksnr</b> |
| Kommunestyret                    | 05.12.2019      | 093/2019      |

## **Val av ymse nemnder, råd og utval m.m 2019-2023**

### **Arbeidsutvalet sitt framlegg til vedtak:**

Framlegget til val av nemnder, råd og utval for kommunestyreperioden 2019-2023 frå arbeidsutvalet vert vedteke slik det ligg føre.

### **Dokument som er vedlagt:**

Arbeidsutvalet sitt forslag til nemnder, råd, utval m.m. 2019-2023

### **Kva saka gjeld:**

Kommunestyret vedtok på kommunestyremøtet 24.10.2019 i sak 067/19 å oppretta eit arbeidsutval for val av ymse nemnder, råd og utval for kommunestyreperioden 2019-2023.

Følgjande personar vart valde inn i arbeidsutvalet:

| <b>Parti/gruppe</b>    | <b>Medlem</b>          | <b>Varamedlem</b>                |
|------------------------|------------------------|----------------------------------|
| Bygdalista             | Ove Totland            | Anja Elisabeth Gjerde<br>Markhus |
| Senterpartiet          | Monica Tjønna          | Øyvind Røen                      |
| Kristeleg folkeparti   | Gunn Totland Moss      | Sigmund Dyrhovden                |
| Framstegspartiet       | Karl Bård Kollbotn     | Håvard Tvedterås                 |
| Høgre                  | Arild Røen             | Eva Hellevang                    |
| Miljøpartiet Dei Grøne | Øyvind Strømmen        | Oskar Røen                       |
| Arbeiderpartiet        | Shirin Kvernes Khadoor | Jon Magne Borgevik               |

Arbeidsutvalet hadde eit arbeidsmøte på kommunehuset 13.11.2019.

Ein del nemnder, råd og utval skal ikkje veljast før hausten 2020. Det gjeld meddommarar til Nordhordland tingrett, lagrettemedlemmar og meddommarar til Gulating lagmannsrett, jordskiftemeddommarar til Nord- og Midthordland jordskifterett, representantar til forliksrådet og

skjønnsmenn. Arbeidsutvalet vel difor å utsetja arbeidet med å utarbeida forslag til representantar/ vararepresentantar til desse ulike nemndene, råda og utvala til våren 2020.

#### **Presiseringar vedkommande nokre nemnder, råd og utval:**

##### VannVest AS - DIHVA IKS (Driftassistansen i Hordaland - Vann og avløp IKS)

DIHVA IKS vart etablert i 2004 og er i dag ein samarbeidsorganisasjon mellom 33 kommunar innan offentlig vatn og avlaup. Då DIHVA IKS vart stifta vart det lagt til grunn at nye eigarar kunne takast opp gjennom vedtak i representantskapet. IKS-loven set derimot krav til kommunestyrevedtak i alle eigarkommunane dersom fleire eigarar skal inn. Dette er ein svært tidskrevande prosess. Ved å endre selskapsform til AS, vil ein generalforsamling eller etter fullmakt styret kunne bestemme å ta inn nye eigarar.

Stiftelsesmøte i nye VannVest AS er 04.12.2019 der ordføraren vil vera Samnanger sin representant. Samnanger er ein av dei 33 eigarkommunane og kvar aksjonær skal ha ei stemme i generalforsamlinga til Vannvest AS.

Vedtak i kommunestyret 17.10.2019 sak 052/19:

- a. *Samnanger kommune vedtek å delta i stiftinga av Vannvest AS. Ordførar får fullmakt til å representera kommunen på stiftingsmøtet.*
- b. *Kommunestyret vedtek å yta eit ansvarleg lån til Vannvest AS tilsvarande kr. 5 pr. innbyggjar. Lånet vert finansiert av disposisjonsfondet.*
- c. *Samnanger kommune vedtek å tre ut av Driftsassistansen i Hordaland - Vann og avløp IKS med verknad frå 01.09.20. Dersom stifting av nytt Vannvest AS skjer etter 01.11.19 vert tidspunkt for å tre ut av IKS'et tilsvarande forskyve.*

##### Ole Hildersmark og søskens legat til Samnangers vel

Arbeidsutvalet har fått informasjon om at legatet truleg vil verta avvikla innanfor kommunestyreperioden 2019-2023.

Solvor Aadland har opplyst bygdalista sin representant i arbeidsutvalet, Ove Totland, om at legatet i denne perioden har vore samansett av følgjande personar:

Faste medlemmar: Knut Harald Frøland og Øyvind Røen

Medlem: Helga Nygård, Karl B. Kolbotn, Solvor Aadland.

I administrasjonen sine lister er samansetninga av legatet noko ulikt frå Aadland sine opplysningar. Opplysningane er tekne til etterretning.

Forslaget frå utvalet er at dei sitjande medlemmane fortset fram til legatet vert avvikla.

##### Dyrevernsnemnd

Dyrevernsnemndene er ein del av Mattilsynet. Nemndene skal bistå i det lokale tilsynsarbeidet med lekmannsskjønn i dyrevelferdssaker. Kommunen kan foreslå deltakarar, men det er Mattilsynet som vel dei regionale nemndene. Arbeidsgruppa legg fram forslag om to personar frå Samnanger.

##### Kyrkjeleg fellesråd

Kommunen sin representant i rådet har dei same rettigheitat og pliktar som dei andre representantane i rådet. Det betyr mellom anna at vedkommande må vera medlem av Den norske kyrkje, jf. §29 i kirkeloven.

##### Plassnemnd for sentralidrettsanlegget i Hagabotnane

Det vart vedteke i kommunestyresak 18/2000 "at det skal vera eit styre/ kontaktorgan for sentralidrettsanlegget i Hagabotnane. I dette styret sit representantar frå brukarane saman med kommunalt oppnemnde medlemmar. Frå kommunen skal det veljast 3 representantar med vararepresentantar. Kommunen bør og peika ut leiar og nestleiar."

Etter at dette vart vedteke i 2000, har kommunestyret valt nye representantar til styret kvar kommunestyreperiode.

Det har vore lite aktivitet i nemnda i noverande kommunestyreperiode.

#### Stiftinga Kystkultur no! – Stiftinga Kystsogevekene

Kommunestyret gjorde vedtak om innmelding i sak 051/18.

Stiftinga skifta namn i april 2019 frå Kystsogevekene til Kystkultur no!

Ordføraren var kommunen sin representant i representantskapsmøtet i 2019.

Det må takast atterhald om at arbeidsutvalet kan gjera små endringar i forslaget sitt fram til handsaminga i kommunestyret 05.12.2019.



## **SAKSFRAMLEGG**

|                                         |                          |
|-----------------------------------------|--------------------------|
| <b>Sakshandsamar:</b> Kenth Paul Opheim | <b>Arkivkode:</b> FE-231 |
| <b>Arkivsaksnr:</b> 18/1050             | <b>Løpenr:</b> 19/9762   |
| <b>Sakstype:</b> Politisk sak           |                          |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Kommunestyret                    | 05.12.2019      | 094/2019      |

## **Renovasjonsgebyr 2020**

### **Rådmannen sitt framlegg til vedtak:**

1. Samnanger kommune vedtek at BIR AS får delegert fullmakt til fakturering og innkrevjing av avfallsgebyret på vegner av Samnanger kommune, jfr § 12 i forskrift om handtering av avfall frå hushaldning. Avfallsgebyret tilhøyrer Samnanger kommune.
2. Prisen på renovasjonstenesta for 2020 vert sett opp med 1 %, med unntak av eigenandelen for levering til gjenvinningstasjonane og einskilde tenester utanfor standard renovasjon. Desse vert haldne uendra.

Samnanger kommune vedtek avfallsgebyr i samsvar med fylgjande vedlegg:

1. Pristabell renovasjonsgebyr Samnanger kommune 2020.

### **Dokument som er vedlagt:**

Renovasjonsgebyr 2020 Samnanger kommune - vedlagt rammen for BIR Privats AS sitt budsjett, forslag til vedtakstekst og pristabell

Pristabell renovasjonsgebyr Samnanger kommune 2020.PDF

Rammebudsjett for lovpålagt renovasjon i BIR 2020.PDF

### **Kva saka gjeld:**

Samnanger kommune er ein av eigarkommunene i BIR. Med bakgrunn i at BIR skal ha lik pris på lik teneste er det viktig at alle eigarkommunene vedtek like prisar. Det er også ein føresetnad at kommunen sine vedtak omfattar samtlige tenester som skal tilbydast av BIR med samanfallande prisliste. Prisen på renovasjonstenesta for 2020 vert føreslått auka med 1 %.

### **Vurderingar og konsekvensar:**

Me syner til vedlegga i saka for meir utfyllande informasjon





## SAKSFRAMLEGG

|                                       |                          |
|---------------------------------------|--------------------------|
| <b>Sakshandsamar:</b> Hilde-Lill Våge | <b>Arkivkode:</b> FE-614 |
| <b>Arkivsaksnr:</b> 19/455            | <b>Løpenr:</b> 19/8895   |
| <b>Sakstype:</b> Politisk sak         |                          |

### SAKSGANG

| Styre, utval, komité m.m. | Møtedato   | Saksnr   |
|---------------------------|------------|----------|
| Formannskapet             | 14.11.2019 | 040/2019 |
| Kommunestyret             | 05.12.2019 | 095/2019 |

## Vedlikehold - Ungdomsskulen, Kommunehuset og brannstasjonen framdriftplan 2020-21

### 14.11.2019 Formannskapet:

Handsaming i møtet:

Øyvind Røen (Sp) sette fram følgjande framlegg til vedtak:

*"Administrasjonen legg fram ei eiga sak om brannstasjon i første halvår 2020. Rehabilitering av ungdomsskulen vert sett på vent til ein moglegheitsstudie for 1–10-skule, barnehage m.m. er gjennomført, jf. vedtak i kommunestyresakene 035 og 041/2019. Denne moglegheitsstudien skal innehalda utgreiingar om følgjande tiltak:*

1. 1–10-skule på Gjerde, dvs. flytting av ungdomsskulen frå Tysse til Gjerde. I dette ligg det at bygningane til Dropeslottet barnehage skal nyttast til skule.
2. Plassering av fleirbrukshall ved skulen på Gjerde.
3. Større gymnastikksal eller «skulehall» på Gjerde som alternativ til fleirbrukshall.
4. Samanslåing av barnehagane, lokalisert til Vassloppa barnehage i Nordbygda.
5. Opningstider for barnehagen i feriane og betalingssatsar, som er meir tilpassa ønske frå foreldra.
6. Billegare eller gratis SFO.
7. Mogeleg etterbruk av bygningane til Samnanger ungdomsskule på Tysse
8. Etterbruk av kommunehuset på Tysse dersom det vert aktuelt å flytta sentraladministrasjonen.

*For alle tiltaka som er nemnde ovanfor, skal lagast eit oversyn over alle mogelege investeringskostnader, t.d. også utgiftene til reguleringsplanar. Det skal utarbeidast ein plan for lån og tilbakebetaling.*

*Det må lagast ein tidsplan for dei ulike tiltaka.*

*Det er også viktig å presentera ein kalkyle for framtidige driftsutgifter dersom dei ulike tiltaka vert realiserte, og det må koma klart fram kva endringar ein kan venta i høve til dagens driftsutgifter. Her må det lagast eit oversyn (bemanningsplan) over behovet for tilsette etter at tiltaka er gjennomførte.*

Studien skal peika på gode klima- og miljøløysingar, bl.a. effektive enøk-tiltak. Målet er reduserte CO<sub>2</sub>-utslepp og lågare utgifter for kommunen.

**Presiseringar og vilkår for nokre av tiltaka ovanfor:**

1–10-skule på Gjerde med fleirbrukshall eller stor gymsal

Studien må greia ut korleis ein samla skule kan gje god undervisning og skapa eit trygt skulemiljø for alle elevane.

Skulen skal ha dei fasilitetane som krevst av ein moderne ungdomsskule, men bassenget på Tysse skal framleis kunna brukast, iallfall fram til det treng større rehabilitering. Drift av bassenget og skyss av elevar til bassenget må difor leggjast inn i kalkylen for framtidige driftsutgifter. Det må likevel vurderast om det er mogeleg å byggja basseng på Gjerde seinare.

I studien må det vurderast ulike alternativ for elevtalsutviklinga, og ein må sjå på om det er mogleg med seinare utviding/påbygging av skulebygningane.

Studien må seia noko om korleis fleirbrukshallen/gymsalen kan brukast av både av skulen og andre, på dag- og kveldstid.

Det må lagast ein plan for parkering ved skulen for dei to alternativa, fleirbrukshall og stor gymsal.

Det er eit mål å spara dyrka mark ved ei utbygging på Gjerde.

Samla barnehage i Nordbygda (Vassloppa)

Studien må vurderast ulike framskrivingar av behovet for barnehageplassar.

Studien skal sjå kva som må gjerast for å redusera eventuelle ulemper med å samla fleire born i éin barnehage, slik at barnehagen kan gje eit fullgodt pedagogisk tilbod.

Standarden på vegen fram til barnehagen og trongen for parkeringsplassar må vurderast.

Billegare eller gratis SFO.

Her skal det reknast på ulike alternativ.

Ungdomsskulen på Tysse.

Her skal det særleg undersøkjast om det råd å flytta både personalet på kommunehuset (sentraladministrasjonen) og eininga for teknisk drift til ungdomsskulen. Kommunen vil då ikkje lenger leiga lokale på Frøland. Viss denne løysinga vert vald, må arealbehovet vurderast nøye. Det kan vera aktuelt å tenkja alternativ bruk for ein del av arealet.

\* \* \*

Formannskapet skal fungera som styringsgruppe for moglegheitsstudien. Rådmannen må sørgja for at relevante interessepartar vert inviterte til å delta i møte i styringsgruppa og prosessar, t.d. i arbeidsgrupper, mellom møta. Dette gjeld m.a. verneombod og tillitsvalde.

Første møtet i styringsgruppa skal vera i januar 2020. Til dette møtet skal det inviterast representantar frå andre kommunar/organisasjonar til å fortelja om sine røynslar frå tilsvarande prosjekt med 1–10-skule og barnehage med nokolunde same storleiken som ein samanslegen barnehage i Samnanger vil ha.

Rådmannen skal, saman med kvalifisert ekstern rådgjevar, førebu møte, føra referat og følgja opp bestillingar frå møta.

Studien skal vera utført innan 1. juni 2020, og rapport skal presenterast for kommunestyret i siste

*møtet før sommaren 2020.*

*Det vert løyvd 250.000 kr til gjennomføring av moglegheitsstudien."*

Shirin Kvernes Khadoor (Ap) bad om gruppemøte.

Etter gruppemøtet gjorde Øyvind Røen ei lita endring i framlegget sitt. Endringa var at ordet "større" vert lagt til i den andre setninga i framlegget. Starten av denne setninga vert då "Større rehabilitering av ungdomsskulen" i staden for "Rehabilitering av ungdomsskulen".

I røystinga vart rådmannen sitt framlegg sett opp mot Øyvind Røen sitt framlegg. Øyvind Røen sitt framlegg vart samrøystes vedteke.

#### **FORM- 040/2019 Vedtak:**

Administrasjonen legg fram ei eiga sak om brannstasjon i første halvår 2020. Større rehabilitering av ungdomsskulen vert sett på vent til ein moglegheitstudie for 1–10-skule, barnehage m.m. er gjennomført, jf. vedtak i kommunestyresakene 035 og 041/2019. Denne moglegheitsstudien skal innehalda utgreiingar om følgjande tiltak:

1. 1–10-skule på Gjerde, dvs. flytting av ungdomsskulen frå Tysse til Gjerde. I dette ligg det at bygningane til Dropeslottet barnehage skal nyttast til skule.
2. Plassering av fleirbrukshall ved skulen på Gjerde.
3. Større gymnastikksal eller «skulehall» på Gjerde som alternativ til fleirbrukshall.
4. Samanslåing av barnehagane, lokalisert til Vassloppa barnehage i Nordbygda.
5. Opningstider for barnehagen i feriane og betalingssatsar, som er meir tilpassa ønske frå foreldra.
6. Billegare eller gratis SFO.
7. Mogeleg etterbruk av bygningane til Samnanger ungdomsskule på Tysse
8. Etterbruk av kommunehuset på Tysse dersom det vert aktuelt å flytta sentraladministrasjonen.

For alle tiltaka som er nemnde ovanfor, skal lagast eit oversyn over alle mogelege investeringskostnader, t.d. også utgiftene til reguleringsplanar. Det skal utarbeidast ein plan for lån og tilbakebetaling.

Det må lagast ein tidsplan for dei ulike tiltaka.

Det er også viktig å presentera ein kalkyle for framtidige driftsutgifter dersom dei ulike tiltaka vert realiserte, og det må koma klart fram kva endringar ein kan venta i høve til dagens driftsutgifter. Her må det lagast eit oversyn (bemanningsplan) over behovet for tilsette etter at tiltaka er gjennomførte.

Studien skal peika på gode klima- og miljøløysingar, bl.a. effektive enøk-tiltak. Målet er reduserte CO<sub>2</sub>-utslepp og lågare utgifter for kommunen.

#### **Presiseringar og vilkår for nokre av tiltaka ovanfor:**

##### 1–10-skule på Gjerde med fleirbrukshall eller stor gymsal

Studien må greia ut korleis ein samla skule kan gje god undervisning og skapa eit trygt skulemiljø for alle elevane.

Skulen skal ha dei fasilitetane som krevst av ein moderne ungdomsskule, men bassenget på Tysse skal framleis kunna brukast, iallfall fram til det treng større rehabilitering. Drift av bassenget og skyss av elevar til bassenget må difor leggjast inn i kalkylen for framtidige driftsutgifter. Det må likevel vurderast om det er mogeleg å byggja basseng på Gjerde seinare.

I studien må det vurderast ulike alternativ for elevtalsutviklinga, og ein må sjå på om det er mogleg med seinare utviding/påbygging av skulebygningane.

Studien må seia noko om korleis fleirbrukshallen/gymsalen kan brukast av både av skulen og andre, på dag- og kveldstid.

Det må lagast ein plan for parkering ved skulen for dei to alternativa, fleirbrukshall og stor gymsal.

Det er eit mål å spara dyrka mark ved ei utbygging på Gjerde.

#### Samla barnehage i Nordbygda (Vassloppa)

Studien må vurdere ulike framskrivingar av behovet for barnehageplassar.

Studien skal sjå kva som må gjerast for å redusere eventuelle ulemper med å samla fleire born i éin barnehage, slik at barnehagen kan gje eit fullgodt pedagogisk tilbod.

Standarden på vegen fram til barnehagen og trongen for parkeringsplassar må vurderast.

#### Billegare eller gratis SFO.

Her skal det reknast på ulike alternativ.

#### Ungdomsskulen på Tysse.

Her skal det særleg undersøkjast om det råd å flytta både personalet på kommunehuset (sentraladministrasjonen) og eininga for teknisk drift til ungdomsskulen. Kommunen vil då ikkje lenger leiga lokale på Frøland. Viss denne løysinga vert vald, må arealbehovet vurderast nøye. Det kan vera aktuelt å tenkja alternativ bruk for ein del av arealet.

\* \* \*

Formannskapet skal fungera som styringsgruppe for moglegheitsstudien. Rådmannen må sørgja for at relevante interessepartar vert inviterte til å delta i møte i styringsgruppa og prosessar, t.d. i arbeidsgrupper, mellom møta. Dette gjeld m.a. verneombod og tillitsvalde.

Første møtet i styringsgruppa skal vera i januar 2020. Til dette møtet skal det inviterast representantar frå andre kommunar/organisasjonar til å fortelja om sine røynsler frå tilsvarande prosjekt med 1–10-skule og barnehage med nokolunde same storleiken som ein samanslegen barnehage i Samnanger vil ha.

Rådmannen skal, saman med kvalifisert ekstern rådgjevar, førebu møte, føra referat og følgja opp bestillingar frå møta.

Studien skal vera utført innan 1. juni 2020, og rapport skal presenterast for kommunestyret i siste møtet før sommaren 2020.

Det vert løyvd 250.000 kr til gjennomføring av moglegheitsstudien.

#### **Rådmannen sitt framlegg til vedtak:**

Formannskapet vert styringsgruppe for arbeidet med romprogram for 1-10 skule og 1 barnehage. Rådmannen leiår arbeidet og opprettar arbeidsgrupper etter behov. Både verneombod og tillitsvalt skal delta i arbeidet. Ytterlegare rehabilitering av ungdomsskulen vert sett på vent inntil det er ei avklaring på skulestrukturen.

Til arbeidet med vedlikehald/ rehabilitering og utvikling av romprogram til dei prioriterte bygga i

Samnanger kommune vert følgjande føringar lagt til grunn for arbeidet:

- HMS og sikkerheit
- Arealreducerande tiltak for bygningsmassen
- Klima- og miljøløysingar –reduksjon CO2 utslipp
- Enøk-reducerande totalforbruk
- Gjenbruk av eksisterande bygg
- Reduksjon i skuleskyss/arbeidsreiser
- Framskriving for behovet til barnehageplass og skulelokale
- Innsparing av driftskostnader på kort og lang sikt (bygg, personal, kvalitet)

#### **Dokument som er vedlagt:**

Status eigedomsforvaltninga - vedlikehald og prioritering

**Kva saka gjeld:** Framdriftsplan og ressursar til analyse for å utarbeide romprogram for 1-10 skule, kommunehuset og brannstasjonen.

**Bakgrunn for saka:** Teknisk drift lag fram oversikt over behovet for vedlikehald og trong for rehabilitering/investering i junimøtet i kommunestyret i år.

Rapportern er viste budsjettbehovet på eit overordna nivå (vedlagt). Det er no behov for å få avklara framdriftsplan og ressursar til analyser, dersom vi skal få utarbeidd romprogram i tråd med vedtaket.

#### **KS - 033/2019 Vedtak:**

*«Statusrapport for eigedomsforvaltninga i Samnanger kommune sitt framtidige vedlikehaldsbehov vert teken til orientering. I det vidare arbeidet får rådmannen mandat til å utarbeida følgjande grunnlag til budsjett/økonomiplan 2020-23:*

- *auka ramma til vedlikehaldsbudsjettet med 1 million kroner*
- *utarbeida romprogram for 1 - 10 skule*
- *kartleggja og utarbeida behovet for omsorgsbustader, særskilt for*
- *eldre, psykiatripasientar og demente, og behovet for sjukeheimsplassar i 95-bygget*
- *starta planlegging for utviding av kyrkjegarden*
- *kartleggja romprogram for helsetunet der tenester som går under helse vert samla.*
- *utarbeida romprogram for kommunehus, med vurdering av både samla og delt plassering, inkludert bruk av eksisterande bygg*
- *utarbeida romprogram for brannstasjon.»*

I tråd med vedtaket er det i 2020-budsjettet lagt inn 1 million til vedlikehald/ rehabilitering ( kr. 400.000 + kr. 600.000 investering). Det er og teke høgde for dette beløpet i økonomiplanperioden. For å utarbeide romprogram, spesielt for 1-10 skule, er det sett av 250.000 kroner slik at rådmannen kan gjennomføra ei analyse for dette i 2020.

**Føringar for vedlikehaldet og romprogramma:** Til det vidare arbeidet med vedlikehald/ rehabilitering og utvikling av eigedomsmassen til Samnanger kommune ønskjer vi legg følgjande føringar til grunn for arbeidet og framdriftsplan av tiltaka:

- HMS og tryggleik
- Arealreducerande tiltak for bygningsmassen
- Klima- og miljøløysingar –reduksjon CO2 utslipp
- Enøk-reducerande totalforbruk
- Gjenbruk av eksisterande bygg
- Reduksjon i skuleskyss/arbeidsreiser
- Innsparing av driftskostnader på sikt

- Framskriving for behovet til barnehageplass og skulelokale

**Vurderingar og konsekvensar:**

Med desse føringane tilrår vi å starte med å få ei analyse og avklaring for ein ny skule og barnehagestruktur. Kva romprogram treng kommunen for 1-10 skule og ein barnehage ut frå framtidig barnetal i desse aldersgruppene ? Involvering i lag med skule og barnehagane vil inngå i prosessen, vera retta mot brukarane og tilsette sine behov og kommune sin økonomiske situasjon

For kommunehuset har vi starta med å kartlegge romprogram og behovet for ulike funksjonar. Her ser vi og på nye mobile ventilasjonsløysingar, som kan løyse nødvendige HMS-krav. I løpet av våren ser teknisk drift for seg å kunne legge fram forslag til ulike løysingar med utgangspunkt i føringane ovanfor.

Når det gjeld brannstasjonen har vi i samarbeid med Bergen brannvesen drøfta ulike løysingar som kan verte aktuelle. Stasjonen i Samnanger er ein bistasjon og kjem under andre reglar enn ein fullverdig stasjon. Vaksdal er i same situasjon som Samnanger, og begge kommunar ønskjer å få vurdert gode nok og rimelege løysingar tilpassa våre behov. Vi reknar med å få fram eiga sak på dette tidleg på våren.



## SAKSFRAMLEGG

|                                          |                        |
|------------------------------------------|------------------------|
| <b>Sakshandsamar:</b> Charlotte Hageberg | <b>Arkivkode:</b>      |
| <b>Arkivsaksnr:</b> 19/974               | <b>Løpenr:</b> 19/8580 |
| <b>Sakstype:</b> Politisk sak            |                        |

### SAKSGANG

| Styre, utval, komité m.m. | Møtedato   | Saksnr   |
|---------------------------|------------|----------|
| Formannskapet             | 14.11.2019 | 052/2019 |
| Kommunestyret             | 05.12.2019 | 096/2019 |

## Budsjett og økonomiplan 2020-2023

### 14.11.2019 Formannskapet:

Handsaming i møtet:

Odd Arne Haga (Frp) sette fram følgjande tre tilleggsframlegg:

"Forslag til ekstern tilstandsrapport av Samnanger Ungdomsskule og Kommunehuset.

*Det skal gjennomføres en ekstern tilstandsvurdering av ungdomsskolen og Kommunehuset.*

*Kostnadsramme kr 30000,- som finansieres av redusert avdragsinnbetaling."*

"Forslag til Gratis skolemat på Tysse Ungdomsskole

*Det skal fra 1/1 2020 innføres gratis skolelunch til elevene ved Samnanger Ungdomsskole.*

*Skolelunchen skal finansieres som følger; KIWI leverer gratis matsvinn, dvs mat som er i ferd med å gå ut på dato. Bjørkheim kro, landhandelen på Tysse, Milano og SPAR skal også forespørres. Matlaging og kjøkkenhjelp finansieres med «snu i døra» tilskudd fra NAV, eller tilskudd til arbeid for verna bedrifter for funksjonshemma personer. Organisering utføres av frivillighetssentralen med tilskudd fra Staten. Resten kr 100000,- finansieres av redusert avdragsinnbetaling."*

"Skoleskyss

*Samnanger kommune har praktisert at det i fra klassetrinn 2 og oppover, skal det være en grense på 4 km mellom hjem og skole – for å få gratis skoleskyss.*

*I Samnanger kommune er det ikke alle som bor slik til, at denne grensen bør være på 4 km. Det kan være barn som har ubrøytet veg om vinteren, dårlig eller ingen gatebelysning, en farlig vegtrase med bratte skrenter, som etter vår mening skal ha gratis skoleskyss i forhold til ren HMS-tankegang.*

*Det kan også være barn som gruer seg til å gå på skolen, der det er lang skolevei og en lite opplyst veg og der de må gå store deler av vegen alene. Eller det kan være barn som går langs med en ubrøytet veg og kan i verste fall bli påkjørt av både brøytebiler og elles andre kjøretøy. Selv på kommunale og fylkesveger bruker bilister stor fart og gjerne i kombinasjon med dårlig sikt i regn og tåke. De fleste vegene er også svært smale og uten fortau. Om vinteren er det også i noen tilfeller høye brøytekanter, så det kan være vanskelig å komme seg ut av vegbanen.*

*Etter vår mening skal ikke foreldre betale for skoleskyss, dersom HMS kriteriene ikke er oppfylt/ivaretatt. Det er svært små kostnader for Samnanger kommune å gi alle barn en trygg skoleveg – i forhold til at et barn kan bli skadet på skolevegen.*

*Det skal heller ikke være meningen at travle foreldre skal kjøre barna til skolen, fordi vi ikke har lagt til rette for en forsvarlig transport av alle skoleelever. Det er tross alt en stor del av elever som bor utenfor etablerte boligområder i vår kommune.*

*Derfor vil vi foreslå i budsjettet: Samnanger kommune setter en maksimum grense på 2 km mellom hjem og skole, for å få innvilget gratis skoleskyss.*

*I enkelte andre forhold, der det kan dokumenteres at HMS ikke er ivaretatt, så setter vi ingen grense for gratis skoleskyss i vår kommune. Den ekstra kostnaden blir dekket ved å redusere avdragsbetalingen."*

Rådmann Charlotte Hageberg orienterte om at innsparte utgifter knytt til redusert avdragsbetaling på lån allerede er disponert/brukt i rådmannen sitt budsjettframlegg. Odd Arne Haga valde på bakgrunn av dette å justere to av framlegga sine som følger:

- *"Ekstern tilstandsrapport av Samnanger Ungdomsskule og kommunehuset vert finansiert av disposisjonsfondet."*
- *"Ekstra kostnad til skuleskyss vert finansiert av disposisjonsfondet."*

Øyvind Strømmen (MDG) sette fram følgjande tilleggsframlegg:

*"Avsetnad til disposisjonsfondet vert redusert med 100.000 kroner. 100.000 kroner vert sett av på berekraftfondet."*

Knut Harald Frøland (BI) sette fram følgjande tilleggsframlegg:

*"Det vert innført halv eigedomsskatt på næring dei første fem åra etter etablering."*

Øyvind Røen (Sp) bad om gruppemøte.

Etter gruppemøtet orienterte økonomisjef Nina Erdal om at det ikkje er høve til å innføra ei slik ordning for eigedomsskatt på næring som Knut Harald Frøland hadde foreslått. Knut Harald Frøland trekte etter dette framlegget sitt.

Knut Harald Frøland sette fram følgjande tilleggsframlegg:

*"Eigedomsskatten vert ståande på 2,4 promille. Administrasjonen må til kommunestyremøtet 05.12.2019 vurderer den beste inndekkinga på dette."*

## **Røysting:**

Det vart først røysta over tilleggsframlegga som var sette fram i møtet.

### 1. Røysting over tilleggsframlegg frå Øyvind Strømmen

Framlegget vart vedteke med åtte mot ei røyst. Odd Arne Haga røysta imot framlegget.

### 2. Røysting over tilleggsframlegg frå Odd Arne Haga om tilstandsrapport Samnanger Ungdomsskule og Kommunehuset

Framlegget fall med åtte mot ei røyst. Odd Arne Haga røysta for framlegget.

### 3. Røysting over tilleggsframlegg frå Odd Arne Haga om skuleskyss

Odd Arne Haga trekte framlegget før røystinga. Etter forslag frå Knut Harald Frøland vedtok

formannskapet i staden samrøystes at spørsmålet om skuleskyss skal takast inn som ein del av moglegheitsstudien som vart vedteken i formannskapssak 040/2019, jf. vedtak i kommunestyresakene 035 og 041/2019.

4. Røysting over tilleggsframlegg frå Odd Arne Haga om gratis skulemat  
Framlegget fall med seks mot tre røyster.

Følgjande medlemmer røysta for framlegget:

- Odd Arne Haga (Frp)
- Jon Magne Borgevik (Ap)
- Gunn Totland Moss (KrF)

Følgjande medlemmer røysta imot framlegget:

- Øyvind Røen (Sp)
- Knut Harald Frøland (Bl)
- Lena Tveit (Bl)
- Martin Haugen (Bl)
- Shirin Kvernes Khadoor (Ap)
- Øyvind Strømmen (MDG)

5. Røysting over endringsframlegg frå Knut Harald Frøland om at eigedomsskatten vert ståande på 2,4 promille

Framlegget vart vedteke med sju mot to røyster.

Følgjande medlemmer røysta for framlegget:

- Knut Harald Frøland (Bl)
- Lena Tveit (Bl)
- Martin Haugen (Bl)
- Øyvind Røen (Sp)
- Odd Arne Haga (Frp)
- Jon Magne Borgevik (Ap)
- Gunn Totland Moss (KrF)

Følgjande medlemmer røysta imot framlegget:

- Shirin Kvernes Khadoor (Ap)
- Øyvind Strømmen (MDG)

Etter dette vart det røysta over heile framlegget til økonomiplan.

1. Røysting over rådmannen sitt framlegg justert med dei vedtekne endringsframlegga  
Åtte medlemmer røysta for og ein imot. Odd Arne Haga røysta imot.

2. Røysting over rådmannen sitt framlegg

Rådmannen sitt framlegg fekk ingen røyster.

**FORM- 052/2019 Vedtak:**

Rådmannen sitt framlegg til budsjett 2020 og økonomiplan 2020-2023 vert vedteke slik det ligg føre med vedlegg budsjettskjema 1A, 2A, hovudoversikt drift, hovudoversikt investering, netto driftsutgifter og detaljar investering (desse dokumenta ligg som vedlegg til rådmannen sitt budsjettframlegg), med følgjande endringar:

1. *Avsetnad til disposisjonsfondet vert redusert med 100.000 kroner. 100.000 kroner vert sett av på berekraftfondet.*
2. *Spørsmål om innføring av grense på 2 km mellom heim og skule for å få innvilga gratis skuleskyss skal takast inn som ein del av moglegheitsstudien som vart vedteken i formannskapssak 040/2019, jf. vedtak i kommunestyresakene 035 og 041/2019.*
3. *Eigedomsskatten vert ståande på 2,4 promille. Administrasjonen må til kommunestyremøtet*

Det vert tatt opp eit lån på kr 14,5 millionar i 2020 til finansieringa av vatn og avløp. Lånet skal betalast ned over 40 år og ha eit avdragsfritt år.

Kommunen betaler i dag meir i avdrag på lån enn det som det er krav om. Utrekning viser at betaling av avdrag kan reduserast med 1 000 000 kroner i 2020.

Bestilling av ny brannbil må gjerast i 2020, då det er eitt års leveringstid.

### **Eigedomsskatt**

I medhald av eigedomsskattelova (Esktl) §§ 2 og 3 skal fylgjande utskrivingsalternativ nyttast for skatteåret 2020: Det vert skrive ut eigedomsskatt på faste eigedomar i heile kommunen jfr § 3 bokstav a. Den generelle skattesatsen som skal gjelda for dei skattepliktige eigedomane vert sett til 7 promille. I medhald av esktl § 12 bokstav a vert satsane differensiert ved at den satsen som skal gjelda for bustader og fritidseigedomar vert sett til 2,8 promille.

For bustaddelen av eigedomen (gjeld og fritidseigedom) vert det gitt eit botnfrådrag på kr 30 000 av takstverdi. Botnfrådraget vert gitt for alle sjølvstendige bustaddelar. Botnfrådrag vert ikkje gitt når eigedomen vert nytta til næringsverksemd.

Det vert skrive ut eigedomsskatt på eit særskilt skattegrunnlag som følgje av at produksjonsutstyr og –installasjonar ikkje skal takast med i takstgrunnlaget når dei tidlegare verk og bruk skal takserast og reknast som næringsseigedom frå og med 2019, jf. overgangsreglane til esktl. §§ 3 og 4 første ledd. Det særskilte skattegrunnlaget skal i 2020 vera lik 5/7 av differansen mellom eigedomsskattegrunnlaget i 2018 og 2019 som er forårsaka av nye verdsettingsreglar og at produksjonsutstyr- og installasjonar ikkje skal reknast med i grunnlaget for verk og bruk som frå og med 2019 vert ansett som næringsseigedom. Skattesatsen på det særskilte skattegrunnlaget skal vera 7 promille.

I medhald av esktl. § 7 bokstav a vert det gitt fritak til stiftingar eller institusjonar som har som formål å gagna kommunen, fylket eller staten. Unnateke er kommersielle stiftingar/ institusjonar. Fritaket vil gjelda forsamlingshus, bedehus, turisthytter og liknande. Fritak kan og vurderast på grunnlag av søknad.

I medhald av esktl. § 7 bokstav b vert det gitt fritak for bygningar som har historisk verdi med 100 prosent. Fritak kan og vurderast på grunnlag av søknad. Det er eit krav at bygget har bevart sin opphavlege arkitektoniske stil, og at det ikkje vert brukt til forretningsverksemd.

I medhald av eigedomsskattelova § 7 bokstav c vert det gitt fritak for nybygde bustadeigedomar (gjeld ikkje fritidseigedomar) i 1 år, eller til kommunestyret endrar eller opphevar fritaket. Fritaket gjeld bygg der det vert starta bygging i 2019 eller seinare. Formannskapet får fullmakt til å avgjera einskildsaker om skattefritak.

Kommunestyret har vedtatt å bruka formuesgrunnlag frå skatteetaten for utskriving av eigedomsskatt på bustadhus, jf. esktl. § 8C-1. Bustadhus og hytter utan formuesgrunnlag vert takserte. Det same gjeld næringsverksemd, tomtar mm. Ved taksering og utskriving av eigedomsskatt nyttar kommunen dei til ei kvar tid gjeldande skattevedtekter.

Eigedomsskatten skal betalast i 4. terminar.

### **Rådmannen sitt framlegg til vedtak:**

Rådmannen sitt framlegg til budsjett 2020 og økonomiplan 2020-2023 vert vedteke slik det ligg føre

med vedlegg budsjettskjema 1A, 2A, hovudoversikt drift, hovudoversikt investering, netto driftsutgifter og detaljar investering. Desse dokumenta ligg som vedlegg til rådmannen sitt budsjettframlegg.

Det vert tatt opp eit lån på kr 14,5 millionar i 2020 til finansieringa av vatn og avløp. Lånet skal betalast ned over 40 år og ha eit avdragsfritt år.

Kommunen betaler i dag meir i avdrag på lån enn det som det er krav om. Utrekning viser at betaling av avdrag kan reduserast med 1 000 000 kroner kroner i 2020.

Bestilling av ny brannbil må gjerast i 2020, då det er eitt års leveringstid.

### **Eigedomsskatt**

I medhald av eigedomsskattelova (Esktl) §§ 2 og 3 skal fylgjande utskrivingsalternativ nyttast for skatteåret 2020: Det vert skrive ut eigedomsskatt på faste eigedomar i heile kommunen jfr § 3 bokstav a. Den generelle skattesatsen som skal gjelda for dei skattepliktige eigedomane vert sett til 7 promille. I medhald av esktl § 12 bokstav a vert satsane differensiert ved at den satsen som skal gjelda for bustader og fritidseigedomar vert sett til 2,8 promille.

For bustaddelen av eigedomen (gjeld og fritidseigedom) vert det gitt eit botnfrådrag på kr 30 000 av takstverdi. Botnfrådraget vert gitt for alle sjølvstendige bustaddelar. Botnfrådrag vert ikkje gitt når eigedomen vert nytta til næringsverksemd.

Det vert skrive ut eigedomsskatt på eit særskilt skattegrunnlag som følgje av at produksjonsutstyr og –installasjonar ikkje skal takast med i takstgrunnlaget når dei tidlegare verk og bruk skal takseras og reknas som næringseigedom frå og med 2019, jfr overgangsreglane til esktl. §§ 3 og 4 første ledd. Det særskilte skattegrunnlaget skal i 2020 vere lik 5/7 av differansen mellom eigedomsskattegrunnlaget i 2018 og 2019 som er forårsaka av nye verdsettingsreglar og at produksjonsutstyr- og installasjonar ikkje skal reknast med i grunnlaget for verk og bruk som frå og med 2019 vert ansett som næringseigedom. Skattesatsen på det særskilte skattegrunnlaget skal være 7 promille.

I medhald av esktl. § 7 bokstav a vert det gitt fritak til stiftingar eller institusjonar som har som formål å gagna kommunen, fylke eller staten. Unnateke er kommersielle stiftingar/ institusjonar. Fritaket vil gjelda forsamlingshus, bedehus, turisthytter og liknande. Fritak kan og vurderast på grunnlag av søknad.

I medhald av esktl. § 7 bokstav b vert det gitt fritak for bygningar som har historisk verdi med 100 prosent. Fritak kan og vurderast på grunnlag av søknad. Det er eit krav at bygget har bevart sin opphavlege arkitektoniske stil og at det ikkje vert brukt til forretningsverksemd.

I medhald av eigedomsskattelova § 7 bokstav c vert det gitt fritak for nybygde bustadeigedomar (gjeld ikkje fritidseigedomar) i 1 år, eller til kommunestyret endrar eller opphevar fritaket. Fritaket gjeld bygg der det vert starta bygging i 2019 eller seinare. Formannskapet får fullmakt til å avgjera einskildsaker om skattefritak.

Kommunestyret har vedtatt å bruka formuesgrunnlag frå skatteetaten for utskriving av eigedomsskatt på bustadhus, jf esktl. § 8C-1. Bustadhus og hytter utan formuesgrunnlag vert takserte. Det same gjeld næringsverksemd, tomtar mm. Ved taksering og utskriving av eigedomsskatt nyttar kommunen dei til ei kvar tid gjeldande skattevedtekter.

Eigedomsskatten skal betalast i 4. terminar.

**Dokument som er vedlagt:**

Rådmannen sitt framlegg til budsjett og økonomiplan 2020-2023

Oversikt over bygg som får fritak etter eigedomsskattelova § 7

Kontrollutvalet sitt budsjettframlegg for 2020

**KS- 035/2019 Vedtak om premiss budsjett 2020 og økonomiplan 2020-2023:**

- Det skal i 2020-budsjettet vera ei avsetjing på 3,9 millionar kroner til disposisjonsfondet, i tillegg til eit netto resultatkrav på 1,75%.
- Det blir sett av 100.000 til vedlikehald for kyrkjestyret. Dette skal vera ein fast årleg sum som er øyremerkt til vedlikehald av bygningsmasse/eigedom.
- I budsjettarbeidet for 2020 skal ein leggja til grunn kostnadsnivå for 2019, og berre indeksjustera for auka lønnskostnader. Dette gjeld også for kyrkja og kontrollutvalet/revisjonen.
- Det skal utarbeidast ein konkret plan på kva klimatiltak Samnanger kommune skal bruka pengar på i 2020. Midlar skal hentast frå klimafondet, kr 150.000,-
  - Det må utgreiast ein heilheitleg plan på oppvekstsektoren, der 1-10 skule, sammanslåing av barnehagane og fleirbrukshall/idrettshall skal sjåast på under eitt. Dette vert finansiert av disposisjonsfondet.
- Det må gjerast ein mogelegheitsstudie for Bjørkheimsområdet. Her skal ein vurdere ny næringsverksemd og forskjønning av området. Midlar skal hentast frå disposisjonsfondet, inntil kr 250.000.

**Kva saka gjeld:**

Rådmannen har utarbeidd eit framlegg til økonomiplan for 2020-2023 som skal handsamast av formannskapet i møte 14.11.19 og i kommunestyret 05.12.19. Første året i økonomiplanen er også budsjettet for 2020. Utgangspunktet for den framlagde økonomiplanen er kommunestyret sine premissvedtak vedtak der det vart fastsett eit mål om å ha eit positivt netto driftsresultat på 1,75 % i 2020. Me leverer no eit positivt netto driftsresultat på 0.86% i 2020. I tillegg vart det gjort eit premissvedtak om å setja av 3,9 millionar på disposisjonsfondet i 2020, dette leverer me på ved å setje av 4,07 millionar. Rådmannen har i sitt framlegg lagt til grunn dei fleste av føringane som vart gitt i premissar frå kvalitetsdialogen våren 2020. Det er som vanleg lagt ned mest tid til utarbeiding av budsjettet for det første året i perioden. For å forenkla årets budsjettarbeid for einingane vart det utarbeidd ei ramme som dei skulle forholde seg til.

På inntektssida har me sikra oss gjennom å inngå avtale på sal av konsesjonskrafta vår i 2020, dette skapar forutsigbarhet i ein marknad som fort kan snu begge veier. Me har og lagt inn 2,2 millionar ifm Havbruksfondet, dette er det likevel en viss usikkerhet knytta til.

Når det gjeld utgifter, har kommunen god styring, men det me ser er at me er nøydd til å fortsetja å investera i ein del programvare på ulike hald som er høgst naudsynte for å halda tritt med utviklinga. Brannbil er me nøydd å bestilla i 2020 for å kunna få denne levert i 2021, dette må det gjerast eit vedtak på.

Me veit me har fleire tøffe år framfor oss og me er nøydd å gjera grep då me ser at me med dagens oppvekststruktur ikkje klarar å dra ned kostnadane ytterlegare. Rådmannen meiner at det er viktig at me ser på moglegheitene for å slå saman skulane og barnehagane då ho meiner det kan liggja eit betydeleg potensiale her for å få ned kostnadane til drifta. Moglegheitsstudien bør iverksetjast allereie i januar 2020. Det er satt av kr 250 000,- i driftsbudsjettet til dette.

Kommunen har framleis høg lånegjeld, og utviklinga i renta er derfor ekstra viktig for kommunen sitt handlingsrom. Me har lagt til grunn ei flytande rente på 2,4 % i 2020. Delar av låna våre er på fastrente, og den er stort sett høgare enn den flytande. For desse låna er sjølv sagt den reelle

kostnaden lagt inn.

**Vurderingar og konsekvensar:**

Framlegg til økonomiplan tilfredsstiller krava om eit forsvarleg budsjett og slik det ligg no vil me levera eit positivt netto driftsresultat på 0,86 % og avsetting til disposisjonsfondet på 4,07 millionar kroner.



## **SAKSFRAMLEGG**

|                                     |                                  |
|-------------------------------------|----------------------------------|
| <b>Sakshandsamar:</b> Jan Erik Boge | <b>Arkivkode:</b> FE-033, TI-&29 |
| <b>Arkivsaksnr:</b> 18/1157         | <b>Løpenr:</b> 19/9773           |
| <b>Sakstype:</b> Politisk sak       |                                  |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Kommunestyret                    | 05.12.2019      | 1             |

**Interpellasjon frå KrF - Samnanger som forsøkskommune for «Fritidskort til alle barn mellom 6 og 18 år»**